

文恭集






97.451
5339
=11

11

Inches
Centimetres
1 2 3 4 5 6 7 8 9 10 11 12 13 14 15 16 17 18 19
TIFFEN Color Control Patches
© The Tiffen Company, 2007

0 1 2 3 4 5 6 7 8 9 10 11 12 13 14 15 16 17 18





光緒乙未春逢盛

氏用卷第殿駟

珍本墨唐

欽定四庫全書總目卷一百五十二

文恭集五十卷補遺一卷永樂大典本

宋胡宿撰宿字武平常州晉陵人天聖二年進士歷官兩浙

轉運使召修起居注知制誥由翰林學士拜樞密副使以太

子少師致仕文恭其諡也事蹟具宋史本傳宿立朝以廉直

著而學問亦極該博當時文格未變尚沿四六駢偶之習而

宿于是體尤工所為朝廷大制作典重瞻麗追蹤六朝其五

七言律詩波瀾壯闊聲律鏗訇亦可彷彿盛唐遺響陳氏書

錄解題載宿集七十卷久無傳本近人編北宋名賢小集所

輯僅寥寥數篇厲鶚撰宋詩紀事搜羅至博所錄宿詩亦祇

從志乘掇拾未窺全豹至金元好問選唐詩鼓吹誤編入宿

詩二十首說者遂以為唐末之人爵里未詳今攷好問所錄

諸詩大半在文恭集內且其中有和朱況一首其人為胡氏

之婿與宿同籍常州具見所撰李太夫人行狀確鑿可據好

是

問乃不能攷證舛錯至此亦可知金元之間其集已罕觀矣
今惟永樂大典分采入各韻下者哀而錄之計詩文一千五
百餘首雖未必盡合原目而篇帙較富已可什得其八九謹
以類編次釐爲五十卷庶裨藝林好古之士得以復見完書
其有永樂大典失采而散見於他書者則別加搜輯爲補遺
一卷附之於後焉

文恭集目錄

○卷之一

賦

正陽門賦

建用皇極賦

黃離元吉賦

蒙泉賦

顏子不貳過賦

五言古詩

讌集

雜興

怨思

怨詩初調示龐主簿及鄧治中

碧樓

讀僧長吉詩

池臺

遠行

遊矚

野廬

珍禽亭

靜齋

惜花亭

寄題齋館

題飲光亭

送客

邊思

彭山贈貫之

七言古詩

謝御書飛白扇子歌

○卷之二

五言律詩

早春

津橋晚望

井桐

春晚郊野

舟次江口

賦江皋

西郊二首

慶雲寺檜

送臧寺丞赴建昌

送君為從事東歸

送孫從事

送王從事赴漳州

禁直晨興呈承旨侍郎

館中候馬

近郊

沙鳥

歲除

鸚鵡杯

上苑

山中

東溪早步

水館

送徐晉卿東歸

送旌德田宰

招公儀小飲

朱鳥航

余山人居

和人山居

山居

經朱氏郊居

送外表王植赴官嶺外

銀臺退朝

桃葉渡

春寒

蓬萊詞

寄合肥知己

題蘭溪

景福殿緋桃

暑夕水亭

新荷

惜花

晴虹

邑宰惠花木

行次淮上寄何忠秀才

秦淮

重陽日東園

宿白佛寺

甘露寺

自詠二首

華陽通客

瓦官寺

題劉奉禮書齋

和吉老學士召赴崇政殿試舉人

清明日謝人送酒

金山寺

齊國大長公主輓詞

兵部尚書贈司空侍中晏元獻公輓詞三首

太尉文肅鄭公輓詞三首

太尉侍中鄭國宋公輓詞三首

座主贈司徒侍中宣獻公輓詞五首

禮部蔣侍郎輓詞五首

翰林南陽葉公輓詞三首

題飲光亭

晨起馬上口占

九月十五夜北樓望太湖

登潤州城

懷宣城會勝院二首

仲春三衢道中

贈少室玉山人

送錢比部守盛山

聞鶯

送顯忠上人歸吳郡

○卷之三

五言律詩

芳茂山

浮石寺

送張著作任柘城

別墅園池

送曹生歸臨江別墅

寄善慧大師禪齋

小閣

悼往

江樓

初赴揚子任

徐偃王廟

清溪汎舟

一年好景

早雁

寄懷尊師

華陽道士朱尊師

紫萼薇

晨入都省聞子奇內翰宿太常因寄口號

又陪公素舍人晨入西閣見紫薇初開

題擬芳亭

初秋

七言律詩

大慶殿元會

燕洞宮

張侍讀箋注太玄經義

賞花釣魚應制

詠蟬

登雄州祖遠亭

送錢子文著作宰福陽

題承詔亭

送清漳護戎王中立

送呂昭鄰同年宰巫陽

送李寺丞宰攸溪

寄題黃氏閒宴閣

和邃卿館中晚入

朝罷

送梅監丞宰山陰

送集賢李學士赴荆臺

子莊見求近詩以一閱為介

送張從事

山居

寄子高秦州從事

和曼卿館中夜直

遠思

和邃卿寒直

九日山陽驛作

趙宗道歸輦下

送天章王待制再領陝州

咏鶴

舊將

七夕

宛陵秋晚

海上

夏日舟行

送呂解元江陰禮席

送祝熙載赴金華主簿

汎舟

送王龍圖碩赴荆南

送陳鐸歸吳興

寄題雄州宴射亭

送吳江知縣陳著作

贈華陽道士朱尊師

仲夏有感

上元禁樂

暮冬離京師

感舊

落葉

嘲蝶

飛將

公子

古別

函谷關

○卷之四

七言律詩

塞上

湘夫人祠

隱客舊居

寄題公儀西溪

送莊賢良權之歸舊隱

送向館使赴陝郊

送江寧監軍李舍人歸闕

城東別墅寄懷天錫

送魏屯田出守山陽

和承旨尚書觀春物欣盛之什二首

江城春日

謝惠詩

送張著作任蘄水

和春卿學士登定力寺北閣兼寄絳倅富彥國監丞

送李畱後赴天平

寄浙漕晉卿李工部

送兵部陸學士赴漕閩中

送杜偉長學士赴漕河北

送陸兵部赴漕湖南

送御史蔣公赴漕江東

送石舍人得告展省

送石舍人入西閣見紫薇花盛開

寒蟬

三衢道中馬上口占

送張待詔知越州

送陳學士知常州

覽朱表臣卷

覽孫祐甫卷

南至之日輦下書事呈正卿子高二同年

芙蓉湖汎舟

過李白墳

送致政祕丞

送致政吳賓客

寄致政蔣侍郎

和承旨給事寄酬南京致政杜相公

涼思

涼州

送姚祕校歸雪

寄蕪湖吳殿丞

寄臨淮蔣使君

和吳春卿早春即事

寄龍圖李諫議

送林學士赴明州

送施屯田守姑熟

寄江淮太守表臣職方

送宗兄郎中守三衢

送譚寺丞守鬱平

集賢石學士出守符離

殘花

和承旨宋尚書告中之作

橘

送次道學士倅洛中

送周屯田倅南徐

送子思學士倅河內

送薛監丞倅絳臺

贈梅聖俞試館職得賜進士出身

卜居

淮南王

送劉觀察赴襄陽

寄題徐都官吳下園亭

長卿

洞靈觀納涼

天街曉望

寄昭潭王中立

次韻徐爽見寄

雪

城南

早夏

宿秀峰寺

太湖石

過桐廬

憶薦福寺牡丹

次韻和朱況雨中之什

冲虛觀

淮南發運趙邢州被詔歸闕

○卷之五

七言律詩

雪後登祕閣

謝叔子楊文惠詩

又和前人

侯家

秋風

送馬少卿赴襄陽

送寶應李尉

竹

送周學士歸永嘉

送聶學士赴闕

送張學士赴邵武兼過吳中別墅

寄張唐公學士

千葉瑞荷花

題漣漪亭

津亭

有懷松江

寄題齊氏山齋

送崔諫議都運河東

送益州運使田學士

寄題蘭皋亭

采蓮女

送柳先輩從事桐廬

寄杭州子文屯田兼簡真公上人

寄題王舍人書齋

霜野

送陳諫東歸

送華濤東歸

五言排律

郊祀慶成

閣前紫薇花

陳生遊金山兼簡世昌師

狀元張監丞倅陝郊兼之聞中省親

歲晚禁直呈承旨侍郎同院五學士

次韻曼卿冬直因以勉贈

后土觀瓊花

石曼卿學士輓詞

射熊館

將家子

詔福聖宮燒香

歲除

送楊中允宰常熟

郡齋招子美

送晉陵王宰銓調

送祁陽黃宰

上客

送黃推官

早秋

○卷之六

五言排律

明堂大禮

禮畢慶成

召赴天章寶文閣觀御集賜御書飛白扇子羣玉殿錫宴

館中錫宴

詔祀西太一宮

郊丘侍祀

奉貢殿山亭奉詔觀橙

西圃櫻桃

和蔡君謨閣前紫柏

後苑觀雙竹

昭應宮小桃

吳興秋晚郡齋長句

題沃洲亭

荷花

菁菁在中泚

釣臺

送黃孝先

送校理薛學士

和原甫侍讀從幸後苑觀稻之什

送梅堯臣宰建德

送劉學士出守衡陽

送蘇賢良之任豫章

送刁總赴旬容簿

送劉閱東遊

江城立春

賞花釣魚應制

辛夷館中同舍城西小飲

講畢周禮詔賜御筵

丁巳歲觀玉皇冊禮

溪竹

五言絕句

憶東園

橫山

七言絕句

漫成

齋祠小飲資政吳侍郎以真如茶二絕句為寄二首

劉開府

館娃宮

自嘲

弄雲亭

函谷關

○卷之七

奏議
論郊丘定配

論詳定官制

論罷上元放燈

論人使詣塔燒香

論臣僚進對密陳機事即時外傳乞賜防閑

論楊懷敏不當除內侍都知

乞楊安國改官

論差三館都監不合辟

繳進李康侯廣律判辭

論殿試攷校

論換巡尉

論弓手替換

論北界點集事宜

論詰責言官言事涉後宮之親

論克國公主議行册禮

論太湖登在祀典

論伐鼓于社當在正陽之月

同劉敞孫抃論四后配食

○卷之八

奏議

論征蠻

乞畱三御史劄子

乞慎選省府推判官提點刑獄

論除授宿衛帥臣

論河北邊備事宜

論邊界守約束

論西夏事宜

辭免尚書禮部侍郎劄子

狀

舉臺官狀

乞楊開充大理少卿狀

兼侍讀學士舉官自代狀

論增經術取士額狀

代中書密院傳法院罷堂奏狀

奉使北朝先狀五道

議

代中書詔定大樂名議

代中書密院覆議大樂名狀

○卷之九

表

中書賀南郊祥瑞表

代中書樞密院賀司天臺奏壽星見表

代賀立后表

賀奉安三聖御容表

代僕射寇相讓恩第一表

第二表

代宋狀元謝及第表

湖州到任表

蘇州到任表

兩浙運使謝上表

代趙漕謝轉運副使表

改左司郎中表

轉官乞回贈祖父母表

○卷之十

代中書樞密院陳乞御製明堂樂章表

代中書樞密院乞乾元節用樂第一表
第二表

湖州乞爲太傅謝安置守冢禁樵采表

代中書謝詔書止絕內降表

代中書樞密院謝瑞竹圖表

代中書謝改官表

謝敕設表

辭免翰林侍讀學士表

謝翰林侍讀學士表

授侍讀學士舉官自代表

謝宣召入院充學士表

舉呂溱王洙自代表

代中書謝爲伏日早歸第表

代中書樞密院謝譯經院賜御筵表

代中書樞密院傳法院罷堂賜宴表

代中書樞密院謝題明堂御書後書名表

代中書樞密院謝賜御象明堂飛白明堂之門表

代謝御筵詩表

○卷十一

表

代中書樞密院謝賜三朝寶字訓鑿圖表

代中書樞密院謝許御製樂章表

中書乞賜御製表

中書謝宜赴清景殿觀御書賜宴表

謝賜衣服鞶轡馬表

又謝賜衣服鞶轡馬表

謝兼侍讀學士表

乞贈李昭述官賻卹其家表

辭免端明殿學士翰林學士兼侍讀表

謝兼端明殿學士表

謝授左諫議大夫充樞密副使表

謝傳宣入伏早出表

謝羊酒表二首

乞解罷樞密院表

笏記

代中書樞密院謝賜飲福大宴笏記

謝兼侍讀笏記

中書樞密院謝春宴笏記

秋宴笏記

代中書謝秋宴笏記

○卷十二

外制

曾公亮可充史館修撰制

宋祁可依前右諫議大夫充史館修撰制

王洙可守本官充史館修撰制

孫抃可依前禮部郎中知制誥充史館修撰判館事制

傅惟幾可兵部郎中直史館制

張昇可集賢殿修撰制

孫甫可起居舍人制

錢彥遠可起居舍人直集賢院知諫院制

李兌可起居舍人同知諫院制

陳升之可右司諫制

呂溱可右正言制

李執中可著作佐郎制

呂誨可著作佐郎制

向安可著作佐郎制

高師說可著作佐郎制

宋敏修可著作佐郎制

張演可著作佐郎制

路保衡蕭汝礪竝可著作佐郎制

張子方萬稹竝可著作佐郎制

范道卿鄭夔金君卿竝可著作佐郎制

周岐可著作佐郎李昭錫可大理寺丞制

陳亢可著作佐郎邢裕可大理寺丞制

周約可著作佐郎郭灝可大理寺丞制

陸絳可著作佐郎張靖聶堃竝可大理寺丞制

何世昌可著作佐郎陸若濟劉寅張齊古竝可大理寺丞制

宋垂範可著作佐郎王堯臣杜松張知常竝可大理寺丞王景華

可衛尉寺丞制 吳英可著作佐郎陳世卿可衛尉寺丞楊希古沈紳孫祖慶竝可

大理寺丞制

孫諮可著作佐郎王師旦王震朱彭竝可大理寺丞夏侯維可衛

尉寺丞制

前石州方山縣令王佐可著作佐郎前泗州盱眙縣令吳天常睦

州司法參軍前監溫州在城商稅務傅燮竝可大理寺丞制

王度可太子中允牛知新可著作佐郎張頤可大理寺丞制

郭評可太子中舍人李偉可大理寺丞制

劉孝忠李允中竝可太子中舍人劉炎可殿中丞制

○卷十二

外制 葛宗古可內殿承制制

劉吉可內殿承制制

劉仁用可內殿承制制

王文思可內殿承制制

鄭可度可內殿承制制

王知信可內殿承制制

凌瑜可內殿承制制

孫惟忠可內殿承制制

李琦可內殿承制制

陳文壽可內殿承制制

李評可內殿承制制

李永恭可內殿承制制

夏偁可內殿承制制

李繼明可內殿承制制

王懷德可內殿承制制

麥承信可內殿承制制

王仲平可內殿承制制

劉承可殿中丞制

方安石可殿中丞制

盧詠可殿中丞朱仲元可大理寺丞制

李從善可殿中丞趙沐可太子中舍人制

呂澁可殿中丞楊極高良佐並可太子中舍人制

王希顏可殿中丞盛行甫可大理寺丞王詢並可太子中舍人制

張述任伯傳並可殿中丞蘇盛項里周並可太子中舍人制

周偕臧論道杜濟並可殿中丞陸暮可著作佐郎制

晏詹可殿中丞王登王康王允並可太子中舍人王獻臣可大理

寺丞制

魚周物王鄰臣並可殿中丞周端李格並可太子中舍人崔宗旦

可大理寺丞制

江中行可秘書丞制

李恂可秘書丞制

華參可秘書丞制

張芻可祕書丞制

程昌言可祕書丞制

張維可祕書丞制

丁翼可祕書丞制

李規何若谷竝可祕書丞制

范中模張執中江楫竝可祕書丞制

陳藻可祕書丞梁谷可左贊善大夫制

竇彤王穆竝可祕書丞俞希及可太常寺太祝制

邢夢臣可祕書丞韓公彥徐總竝可光祿寺丞杜子才可太常寺

太祝制

周大象可祕書丞任利有可殿中丞陳之損可右贊善大夫制

龔鼎臣可祕書丞張瑤王鎡竝可大理評事陳知常可右贊善大

夫制
敕賜進士及第王九成可試祕校郎制

○卷十四

外制

王珪可太常丞制

陳湜可太常丞制

王昇可太常丞制

董某可光祿寺丞制

王泌可光祿寺丞制

陳安石可光祿寺丞制

李擇可衛尉寺丞制

馮安之可衛尉寺丞制

曾班可衛尉寺丞制

李式可衛尉寺丞制

劉景可衛尉寺丞制
陳仲通燕仲舉竝可衛尉寺丞制

王詔可衛尉寺丞商令聞可大理寺丞制

周宗閔可衛尉寺丞王正臣可光祿寺丞寇誦可大理寺丞制

毛維藩可大理寺丞制

趙謹可大理寺丞制

蘇有可大理寺丞制

鄭宗勵可大理寺丞制

李士昌可大理寺丞制

王尹可大理寺丞制

張太初可大理寺丞制

丁諷可大理寺丞制

史宏可大理寺丞制

謝景祕可大理寺丞制

劉離可大理寺丞制

趙丙可大理寺丞制

李孝孫可大理寺丞制

雷簡夫可大理寺丞制

魏耆可大理寺丞制

楚泰可大理寺丞依舊直講制

楊南仲可大理寺丞知國子監書學兼篆石經制

張初平可大理寺丞充堂後官制

馬中民可大理寺丞充堂後官制

盧待舉郭宏竝可大理寺丞制

張閻王熙竝可大理寺丞制

尹立李惟永竝可大理寺丞制

費子卿李孚佑竝可大理寺丞制

束莊王荀龍竝可大理寺丞制

陳禹臣李輔竝可大理寺丞制

姚偁楊文仲竝可大理寺丞制

閻謨劉偃竝可大理寺丞制

陳仲舒周昺竝可大理寺丞制

劉汝言楊自周竝可大理寺丞制

徐高丁為寶韓昌竝可大理寺丞制

吳彥先劉易簡張庚竝可大理寺丞制

孫傑可大理寺丞馬中庸可衛尉寺丞制

孫薰可大理寺丞單鼎可太常寺太祝制

杜諮可大理寺丞張文告可著作佐郎制

綦愿劉濟竝可大理寺丞韓標可著作佐郎制

朱遼楊若冲竝可大理寺丞張安國可衛尉寺丞制

全余白祖或李秉竝可大理寺丞周復張熙竝可著作佐郎制

李真卿可太常博士制

章峴可太常博士制

李復奎可太常博士制

李師中李建中竝可太常博士制

丁宗臣可太常博士丁寶臣可太常丞制

張師中可太常博士游奎可祕書丞陳知德可大理評事制

郭祐侯瑾竝可太常博士陳儼可國子博士侯訢可殿中丞制

張絳可太常博士商體仁可殿中丞臧師顏黃仲英竝可國子博

士制

單煦可太常博士焦盛王傅張允竝可國子博士馬直方王延慶

明穆歐陽炳張仲宣竝可太子中舍人制

真母沆可太常博士閻邱孝終張士明江正倫竝可太子中舍人

制

武康可太常博士裴耕馬先張應符申屠會竝可殿中丞史珍薛

端竝可守太子中舍人李巽可大理評事制

潘夙可國子博士制

武宗元可國子博士制

許恢李田尹偕竝可國子博士制

何夢昇可國子博士李旬可殿中丞制

牛拱辰可國子博士吳穆周諧陳舍竝可太子中舍人制

李元方可國子博士范袞郝大同竝可守殿中丞呂惟和崔象明

竝可殿中丞黃延慶可右贊善大夫制

劉淵可試國子四門助教制

樂永可試國子四門助教制

劉可久可試國子四門助教制

曹博文可特授太常寺太祝制

孫琪可太常寺太祝制

姚預可太常寺太祝制

聶平仲可太常寺太祝制

魏纁可太常寺太祝制

裴士傑可太常寺太祝制

陳京可太常寺太祝制

吳瑛方躋竝可太常寺太祝制

張慶隨可中書主事孟可道可中書守闕主事盧克用可中書錄

事制

陳叔度可大理評事制

程旬可大理評事制

張諷可大理評事制

張希甫可大理評事制

馬琮可大理評事制

俞祐甫可換大理評事制

馬玘扈高王誦竝可大理評事制

任承德可試大理評事制

路諫可試大理評事制

馬知良可司天監丞制

丁濤可司天冬官正制

周琮李用晦竝可司天中官正于淵舒易簡竝可司天監丞王士

隆可守少府監主簿充翰林待詔制

祁咸亨可少府監主簿制

王德說可將作監主簿制

張潮可將作監丞崔公孺可大理評事制

○卷十五

外制

葛源可司封員外郎制

田京可度支員外郎元積中楊佐竝可屯田員外郎胡世卿可國

子博士制

盧成可度支員外郎吳祕可屯田員外郎張珪可虞部員外郎陳

象之可比部員外郎制

吳授可金部員外郎制

吳授可主客員外郎制

呂公弼可兵部員外郎制

張環可兵部員外郎制

徐宗況可兵部員外郎陳旭吳奎可起居舍人制

張中庸可兵部員外郎高良友可金部員外郎解賓王可兵部郎

中石揚休可祠部員外郎制

麻温故可職方員外郎制

陳巽可職方員外郎制

凌景陽可職方員外郎制

謝頤素可職方員外郎趙慎微可比部員外郎王得賢可虞部員

外郎張擇仁可太常博士冀尚王日宣竝可太子中舍人制

李郊可駕部員外郎元絳可都官員外郎李頎可太常博士林盛

可國子博士制

管朝宗可庫部員外郎徐峻可太常博士董壽范存竝可殿中丞

呂公垂可右贊善大夫李需趙昌王乾祐竝可太子中舍人制
劉杞可都官員外郎制

錢括可都官員外郎張師皋可虞部員外郎制

楊中和可都官員外郎呂惟簡可司門郎中制

楊延可都官員外郎李唐卿可太常博士許立可國子博士制

李及之可都官員外郎董沔可屯田員外郎范微之蔡準竝可祕

書丞制

楊志可都官員外郎王正民可虞部員外郎呂協可殿中丞李述

可祕書丞制

彭思永可都官員外郎劉述謝顓竝可屯田員外郎柳三接可太

常博士制

危佑可都官員外郎李敏可虞部員外郎高靖可太常博士張大

受可殿中丞制

張士燮可都官員外郎李九言馬仲甫黃鑄竝可屯田員外郎王

仲可國子博士制

竇平可比部員外郎景融可太常博士制

馬伸可比部員外郎陳益可國子博士制

王積可比部員外郎李祐之可水部員外郎毋澁可屯田員外郎

制

周世南邢至竝可比部員外郎聶世卿可都官員外郎石洵直可

屯田員外郎制

郭亨吳迪竝可比部員外郎馮溫舒可屯田員外郎張承懋可水

部員外郎張仲莊可太常博士寇玘李咸熙張景純竝可國子

博士制

張道可屯田員外郎制

吳伸可屯田員外郎制

呂公孺呂公著竝可屯田員外郎制

王鼎鄭炳王微竝可屯田員外郎制

王中立可屯田員外郎李希逸可國子博士制

趙誠可屯田員外郎黃炳宋宏竝可太常博士制

張靖可屯田員外郎彭文紀崔鵠竝可殿中丞王瑜可大理寺丞

制

張輿可屯田員外郎艾保卿沈遵竝可殿中丞李昭慶可太子中

舍人制

薛仲簡可屯田員外郎蔣祕十仲竝可太常博士馬仲旦可殿中

丞制

劉錫可虞部員外郎高賦可太常博士制潛官員張當可殿中丞制

田化愚可虞部員外郎鄭偕可太常博士裴見素可國子博士馬

路綸可虞部員外郎汲熙載可太常博士

璟可衛尉寺丞制

陳式劉充中蘇顯竝可虞部員外郎林克從可國子博士呂規王

宗古竝可殿中丞制

朱湜李隨竝可虞部員外郎劉襲禮可太常博士黃淳朱處約竝

可殿中丞張赴可太子中舍人制

武周可檢校水部員外郎制

黃延慶可檢校水部員外郎充堂後官制

吳世長可檢校水部員外郎充堂後官制

○卷十六

外制

富弼可資政殿大學士依前給事中制

楊察可龍圖閣學士歐陽修可龍圖閣直學士制

施昌言可龍圖閣直學士制

丁度可兵部侍郎張觀可尚書丞丞制

禮部侍郎王淑可起復舊官制

向傳師可光祿少卿制

呂士龍可衛尉少卿制

陳宗元可司農少卿制

張太沖可司農少卿制

韓絳可三司戶部判官制

楊旼可三司戶部判官依前直史館制

王罕可充戶部判官制

趙及可尚書左司郎中制

何知至可度支郎中制

張揆可兵部郎中制

張勛可兵部郎中制

周湛可兵刑部郎中制

趙良規可刑部郎中制

廖詢可都官郎中馮振可都官員外郎制

鄭有章可比部郎中制

劉立德可屯田郎中郭輔治可兵部員外郎制

關詠可屯田郎中趙秉可職方員外郎制

章參可屯田郎中趙永裕張肅並可屯田員外郎制

職方員外郎董公產可屯田郎中比部員外郎馬中庸可駕部員

外郎屯田員外郎黎持正可都官員外郎國子博士司本盛和

仲並可虞部員外郎太子中舍人張璿可殿中丞制

樂許國可水部郎中韓儼可都官員外郎葛禧可國子博士嚴慶

孫劉世昭並可殿中丞制

劉宏可三司檢法官制

○卷十七

外制 高若訥可特授金紫光祿大夫行尚書戶部侍郎依前參知政事

加上護軍進封北海郡開國侯加食邑五百戶食實封如故制

趙槩可特授尚書右司郎中天水縣開國子加食邑五百戶制

張方平可特授給事中進封清河郡開國侯加食邑五百戶制

狄青可安遠軍節度觀察留後加食邑五百戶周美可檢校兵部
尚書耀州刺史充侍衛親軍步軍副都指揮使耀州觀察使加
食邑五百戶實封二百戶制

曹侂可檢校工部尚書鄆州刺史充天平軍節度觀察留後加食
邑五百戶實封二百戶張茂實可檢校工部尚書處州管內觀
察使加食邑五百戶實封二百戶制

李端懿可華州觀察使加食邑此食邑下無戶數以李端愿可

檢校工部尚書越州刺史充本州團練使加食邑五百戶實封
二百戶制

范全可檢校工部尚書解州刺史充本州防禦使加食邑百戶王

凱可檢校工部尚書隴州刺史充本州防禦使進封太原郡開

國侯加食邑五百戶制

柳植可特授尚書刑倍侍郎加上柱國制

張昇可特授尚書工部侍郎加上柱國向傳式可特授給事中制

曾公亮可加柱國制

李球可內殿崇班李玘可內殿承制制

霍保安可樞密承旨南班賈德明可樞密承旨帶南班小將軍制

馮易簡可內省內常侍制

伊恕可御前忠佐制

吳幾復張碩賈章蔡抗並可加騎都尉張太初可加輕車都尉制

單州團練副使范仲回可騎都尉制

麥允言可景福殿使制

張允可密省使加食邑三百戶制

向傳範可四方館使制

綦史宣可遙郡團練使仍舊禮賓使制

張岳可東染院使張僕可禮賓使制

任守忠可宮苑使加輕車都尉宗志聰可左驥驥使加食邑鄧保

信可右驥驥使加食邑武繼隆可皇城使加上騎都尉制

錢晦向傳範竝可東上閣門使加上騎都尉制

王中庸可引進使王果李中吉可東上閣門使竝加輕車都尉

宗說可西上閣門使英州刺史李珣可東上閣門使加上騎都

尉制

曹修可東染院副使兼閣門通事舍人制

西京左藏庫副使高遵裕可依舊西京左藏庫副使兼通事舍人

制

馬懷德可西上閣門副使制

柴貽範可閣門通事舍人制

李推實可閣門通事舍人制

孫用可左藏庫副使王日宣可禮賓副使王克讓任守素毛永保

竝可內殿承制制

李緯可莊宅使制

郭承宗可六宅副使制

孫昂可宅副使制

馮承用可供備庫使制

趙滋可供備庫副使制

胡稹可供備庫副使制

盧昭度可供備庫副使制

李保信可供備庫副使制

劉允濟可供備庫副使制

張德志可供備庫副使制

許咸亨可供備庫副使制

全克勲可供備庫副使制

王文顯可供備庫副使制

錢師回可供備庫副使制

江從可供備庫副使制

李允恭林宗普竝可供備庫副使制

李琦可供備庫副使李瑛李琚李球竝可內殿承制制
周應可西京八作使制

○卷十八

外制

張昇可兵部員外郎充天章閣待制環慶路都部署經略安撫等
使兼知慶州制

劉沆可依前給事中充龍圖閣學士知開封府制

錢明逸可依前兵部員外郎充龍圖閣學士知蔡州制

劉沆可龍圖閣學士給事中知永興府制

左中奉大夫權尚書吏部侍郎兼史館修撰周綰除集英殿修撰
知溫州制

右侍禁折繼祖可西染院使知福州制

李昭述可依前刑部侍郎充龍圖閣學士秦鳳路馬步軍副都部
署兼知秦州制

劉巽可主客員外郎知濟州仍賜紫制

李珣可文州刺史制

趙良弼自豐州刺史除撫州刺史制

劉永年可寧州刺史制

張惟吉可果州刺史制

郭元乂可忠州刺史陳拱可昌州刺史制

邢王孫宗望可遙郡刺史制

張中庸可開封府判官制

劉能可御前忠佐馬步軍副都領依前合州刺史制

譚嘉震可依舊內園使昭州刺史制

王興可陵州團練使傅永吉可開州刺史孟元可普州刺史蔣偕
可忠州刺史制

石全彬可陵州團練使制

劉永世可果州刺史充本州團練使制

王從善可西京左藏庫使依前充果州團練使制
余靖可左神武大將軍遙郡刺史州鈐轄差遣制
李瑋可起復雲麾將軍保州團練使制

溪洞新州知州彭師政富州知州彭師晡竝可銀酒監武知本州

軍州事制

溪洞寧州知州彭師雁可銀酒監武知寧州制

曹正可袁州司馬制

追官勒停人屯田員外郎蕭禔可萊州別駕制

解賓王可開封府判官闕詢可開封府推官制

高良夫可依前主客員外郎充開封府判官石揚休可太常博士

兼祕閣校理充開封府推官制

范純熙可鄧州節度推官制

凌起可昭化軍節度推官制

解賓王可開封府推官制

鄧唐可懷州防禦推官張式可賓州軍事推官制

許震可試大理評事充威武軍節度推官制

張伯通可試大理評事充奉寧軍節度推官制

李益可試大理評事充徐州觀察推官制

劉義叟可試祕校呂夏卿可試祕校充石州軍事推官餘如故制

張子庚可殿中丞依舊知縣制

劉槃可試大理評事充忠武將軍節度推官知邢州堯山縣制

前守鄜州洛川縣令宋太可試大理評事充天平軍節度推官知

潞州壺關縣事制

張徽可試大理評事充節度推官知夔州奉節縣制

高汝士可山南西道節度推官知瀘川縣韓澤可山南東道節度

推官知廣安軍新明縣制

郭旦可依前祕校知單州成武縣公遜迪可試祕校知齊州歷城縣馬居方可試祕校知濮州臨濮縣制

李舉賢可洛州曲周縣合制

呂用賢可磁州邯鄲縣合制

成吉甫可趙州隆平縣合制

申陟可相州湯陰縣李伾可兗州瑕邱縣合制

王昭可濮州臨濮縣合制

趙貺可相州永和縣合制

宋康濟可青州益都縣尉制

种世衡男古可鳳翔府天興縣尉制

白舜元可莫州長豐縣尉制

敕賜五經及第孫師旅可鄆州須城縣尉制

敕賜毛詩及第王仲甫可光化軍乾德縣尉制

李從政可秀州嘉興縣尉制

史館孔目官汪宗益可青州壽光縣尉制

尚書學究及第陳元良可永康軍司法制

蘇澄可權蔡州支使制

黃東可成州同谷縣主簿制

孟永寧可新州新興縣主簿充翰林待詔御書院祇候制

御前學究及第李奎可河南府澠池縣主簿制

曹宗壽可磁州昭德縣主簿劉復可陳州西華縣主簿制

進納稍草空名助教制

高永可試助教制

在京進納斛斗楚州等第戶房旺可將仕郎守本州助教制

成有宗可河中府司錄參軍監汀州鍾寶金銅場制

明法及第廉正臣可陝州靈寶縣主簿段林可霸州司法參軍制

張永德可衢州常山縣尉兼生簿制

薛安期可益州司戶制

學士院驅使官羅整可梓州司戶參軍依舊供職制

新及第進士諸科李育等可幕職州縣官制

○卷十九

外制

皇姪宗懿可端州刺史皇姪宗述可右屯衛大將軍制

皇姪宗樸可貴州刺史皇姪宗藝可左領衛大將軍制

皇姪右千牛衛將軍士顥可莊宅副使制

皇親男授官可竝副率制

皇親賜名與官海詞可竝右內率府副率制

樞密使王某親姪孫延年給事中參知政事劉某親孫男子雅工

部侍郎參知政事劉某親孫男燾竝可守祕校制

少傅致仕李若谷遺表奏泉州進士薛穎士可試國子四門助教

制

太子少傅致仕任布孫拱之可試祕校太子少師致仕任中師姪

孫元之可試監簿制

兵部尚書陳執中四從姪孫太初可試四門助教制

故龍圖閣學士禮部侍郎劉筠從孫景純可守將作監主簿制

故翰林學士彭乘男敏行可太祝景行可奉禮制

故翰林學士彭乘姪壻王寧可試將作監主簿制

侍讀學士戶部侍郎王拱辰親兄拱安可試將作監主簿制

故翰林侍讀學士葉清臣遺表妻兄進士趙淳可試將作監主簿

制

禮部侍郎致仕蔣堂姪之器可試祕書省校書郎制

故工部侍郎致仕楊偕親孫景道可守將作監主簿制

司門郎中致仕樂安國男溫可試祕校郎制

職方員外郎致仕王述男孝叔可試將作監主簿制

駕部員外郎致仕陳淨男枚可試將作監主簿制

都官員外郎致仕盧器男洪可試將作監主簿制

都官員外郎致仕王琥男駮可試將作監主簿制

虞部員外郎致仕王周男某可試將作監主簿制

虞部員外郎周德延男慶之可試祕書省校書郎制
故王德基男咸有可閣門通事舍人許持服制

河北都轉運使吳鼎臣遺表奏親孫男承規傳規竝可試將作監

主簿制

夔州路轉運使楊文舉男彥誠可試祕校制

淮南轉運使李仲偃次男孝直可試祕書省校書郎制

故寧遠將軍知棣州田彥晏長孫忠俊可溪洞都巡檢故知富州

田承亮弟承喜可銀酒監武知富州制

故麟州兀羅族下班殿侍三班差使羅佑親男崖可本族副都軍

主制

滿濟置勒噶卜楚男置木磔沙克置伊實男吹置勒沙克置庸蘇

男斯結斯清矩嘉奇正男戩巴勒沙克置揚摩男細斯承續制

集賢相宋庠妻淮揚郡夫人胡氏可成國夫人制

平章事龐籍妻彭城郡夫人劉氏可進封彭國夫人制

故引進使果州團練使王克忠妻上黨縣君石氏可進封武威郡

君制

故引進使陵州團練使王克基妻張氏可封清河郡君制

濟州防禦使張茂實妻劉氏可封彭城郡君制

參知政事高若訥姊陳宗古妻可封文安縣君制

禮部尚書同中書門下平章事文彥博妹信安軍判官成偉妻可

封永康縣君制

張方平女故殿中丞蔡天申妻張氏可封壽昌縣君制

長安縣君可封仁壽郡君制

定武軍節度使承裕第六女遂寧縣君趙氏可進封長樂郡君制

磁州防禦使承亮等女可竝封縣君制

防禦使宗旦等新婦可竝封郡縣君制

左領軍衛將軍克修所生母李氏可封南陽縣太君制

左龍衛軍大將軍饒州刺史承翊親育母霍氏左金吾衛大將軍

舒州團練使穎國公從謁所生母鄭氏右千牛衛大將軍文州
刺史宗敏所生母范氏可竝封縣太君制

左監門衛將軍宗翰所生母劉氏可進封縣太君制

右江溪洞田州知州黃光倩母阿儂可封宣化郡君制

皇弟安德軍節度使華原郡王允良乳母王氏可封永壽縣君制

贈鎮江軍節度使追封丹陽郡王守節乳母徐氏可封高平縣君制

貴妃大姑張氏可特授典正制

貴妃第八妹張氏可封清河郡君制

貴妃乳母周氏可特封長安縣君制

德妃位聽宣夫人張氏韓國夫人位聽宣夫人張氏竝可封掌膳
制

魏國大長公主親外孫女錢氏可封壽安縣君制

○卷二十

外制

蔣堂可禮部侍郎致仕制

王渙可太子賓客致仕制

蔡黃裳可右贊善王稹可太子中舍人苗存可大理寺丞劉制可

大理評事竝致仕制

許上達可太子洗馬謝元振可守國子監丞竝致仕制

高牧可太子洗馬徐渥可守祕校竝致仕制

劉忠信可太子中舍人致仕制

李備可太子中舍人致仕制

艾介石可太子中舍人致仕制

楊令望可太子中舍人致仕制

張隨可太子中舍人致仕制

孫可度可太子中舍人致仕制

姜湛可太子中舍人致仕制

韓松可太子中舍人致仕制

趙維可太子中舍人致仕制

孟朝宗可太子中舍人致仕制

張正可太子中舍人致仕制

鄭崇德范振竝可太子中舍人致仕制

李逢可太子中舍人侯允恭可祕校竝致仕制

趙穆可太子中舍人馬宗諒可監丞竝致仕制

蘇維岳王敏竝可太子中舍人李克明可國子監丞竝致仕制

章陟可祕書丞致仕加上輕車都尉制

呂佐可衛尉寺丞致仕制

楊贄可衛尉寺丞致仕制

孟元亨可大理寺丞致仕制

皇甫采可大理寺丞致仕制

吳旦可國子監丞致仕制

鄭有斐可國子監丞致仕制

張太一可國子監丞致仕制

石待問可太常博士致仕制

趙真卿可大理評事致仕制

翁奭可和川司馬致仕制

吳高可撫州長史致仕制

穆介可華州長史致仕制

李仲連可左清道副率致仕制

張保和可右清道率府副率致仕制

姚可久可左監門衛大將軍致仕制

宋榮可左屯衛大將軍致仕制

錢子穆可左監衛將軍致仕制

耿從政可左領軍衛將軍分司南京致仕制

陳允恭可左監門衛將軍致仕制

柴貽憲可左驍衛將軍致仕制

劉吉可右領軍衛將軍致仕制

○卷二十一

外制

皇姪宗鼎可贈邠州觀察使追封新平王制

故太子太師致仕任中師可贈太子太傅制

故洛苑使任承亮可贈正任團練使制

故文思使遂州觀察使史崇信可贈振武軍節度制

故莊宅使李希及可贈眉州防禦使制

李懷贊可贈防禦使制

贈虢州刺史种世衡可贈成州團練使制

宋昱可贈供備庫使制

故供備庫副使李隨可贈供備庫使制

鄧惟素可贈供備庫使制

貴妃母夫人曹氏曾祖旭可贈祕書丞祖靖可贈祠部員外郎制

皇后姪女婿故西染院使劉永清可贈諸司使遙郡刺史制

故貴儀曹氏可追封賢妃制

宜州刺史宗實故所生母任氏可追封縣君制

德妃姪亡妻張氏可特追封郡君制

觀文殿學士尚書右僕射賈昌朝曾祖緯贈太傅可贈太師制

觀文殿學士尚書右僕射賈昌朝曾祖母魯國太夫人栗氏可追

封燕國太夫人制

觀文殿學士尚書右僕射賈昌朝曾祖母崔氏可追封秦國太夫

人制

觀文殿學士尚書右僕射賈昌朝祖璉贈太師可特贈中書令制

觀文殿學士尚書右僕射賈昌朝祖母胡氏可追封魏國太夫人

制

觀文殿學士尚書右僕射賈昌朝父注贈太師中書令特贈兼尚

書令制

集賢相宋庠曾祖駢皇贈太傅可贈太師制

集賢相宋庠曾祖母王氏可追封齊國太夫人曾祖母丁氏可追

封魏國太夫人制

集賢相宋庠祖曜累贈太師可特贈中書令制

集賢相宋庠祖母賈氏可特追封楚國太夫人制

集賢相宋庠父玘累贈中書令兼尚書令追封榮國公可進封鄭

國公制

集賢相宋庠母王氏可追封越國太夫人母高氏可追封漢國太

夫人母王氏可追封秦國太夫人母朱氏可追封燕國太夫人

制

集賢相宋庠母鍾氏可追封晉國太夫人制

吏部侍郎同中書門下平章事文彥博曾祖崇遠贈太保可贈太

傅制

吏部侍郎同中書門下平章事文彥博曾祖母宋氏可追封魏國

太夫人制

吏部侍郎同中書門下平章事文彥博祖銳贈太傅可贈太師制

吏部侍郎同中書門下平章事文彥博祖母王氏可追封越國太

夫人制

吏部侍郎同中書門下平章事文彥博祖母郭氏可追封沂國太

夫人制

吏部侍郎同中書門下平章事文彥博父洎贈太師可贈中書令

制

吏部侍郎同中書門下平章事文彥博嫡母耿氏可追封秦國太

夫人制

參知政事高若訥曾祖諭贈太子太保可贈太保制

樞密使高若訥曾祖諭贈太傅可贈太師制

參知政事高若訥曾祖母王氏可追封祁國太夫人制

樞密使高若訥曾祖母冀國太夫人王氏可追封晉國太夫人制

參知政事高若訥祖審釗贈太子太傅可贈太傅制

樞密使高若訥祖審釗贈太師可特贈中書令制

參知政事高若訥祖母追封扶風郡太夫人馬氏可追封澶國太

夫人制

樞密使高若訥祖母衛國太夫人馬氏可追封魏國太夫人制

參知政事高若訥父懷謹贈太子太師可贈太師制

樞密使高若訥父懷謹贈太師中書令可贈兼尚書令制

參知政事高若訥母追封河南郡太夫人閻氏可追封鄆國太夫

人制

樞密使高若訥母雍國太夫人閻氏可追封秦國太夫人制

右諫議大夫充天章閣待制兼侍讀張揆弟京東轉運使兵部員

外郎集賢校理揆父蘊尚書司封郎中可特贈光祿卿制

○卷二十二

內制

皇兄允弼特授依前檢校尚書右僕射充靈國軍節度使同中書
門下平章事北海郡王加食邑一千戶實封三百戶仍賜推誠
保順亮節守正翊戴功臣

除皇弟允初特授特進依前檢校尚書右僕射使持節耀州諸軍

事行耀州刺史兼御史大夫充感德軍節度使耀州管內觀察

處置等使加食邑七百戶仍賜推誠保順翊戴功臣制

除皇弟允良特授特進依前檢校司空同中書門下平章事使持

節鄭州諸軍事行鄭州刺史華原郡王充奉靈軍節度使鄭州

管內觀察處置河隄等使加食邑一千戶仍賜功臣制

除富弼行禮部尚書同中書門下平章事昭文館大學士監修國

史兼譯經潤文使加食邑實封功臣散官勳封制

除王貽永授依前檢校太師行尚書右僕射兼侍中充景靈宮使

彰德軍節度使加食邑實封改賜功臣制

除張堯佐特授光祿大夫依前檢校太保宣徽南院使淮康軍節

度使加食邑實封制

除曹佺特授依前檢校尚書左僕射充保靜軍節度使加食邑制
除張茂實特授依前檢校工部尚書充靈遠軍節度使勳封食邑制

除李昭亮依前檢校太傅同中書門下平章事充景靈宮使昭德軍節度使制

除曾公亮檢校太尉充樞密使制

除田況特授檢校太傅充樞密使進封開國公加食邑實封制
賜梁適特授依前行尚書禮部侍郎知鄭州仍改賜功臣制

○卷二十三

內制

除韓琦特授依前工部尚書同中書門下平章事集賢殿大學士加食邑實封改賜功臣制

除韓琦依前工部尚書同中書門下平章事集賢殿大學士加食

邑實封仍賜功臣制

除韓琦特授特進依前檢校太保充武康軍節度使加食邑制

除文彥博特授檢校太尉同中書門下平章事使持節孟州諸軍事行孟州刺史充河陽三城節度使判河南府兼西京留守司畿內勸農使加食邑實封制

除文彥博依前檢校太尉充忠武軍節度使授特進加食邑制

除宋庠河陽三城節度使檢校太尉同中書門下平章事判鄭州制

除宋庠特授檢校太尉充樞密使仍賜功臣制

除賈昌朝特授依前檢校太師同中書門下平章事山南東道節度使進封許國公加食邑實封制

除賈昌朝行尚書右僕射依前檢校太師兼侍中充景靈宮使充鎮安軍節度使加食邑實封仍改賜功臣制

除賈昌朝依前檢校太師同中書門下平章事安國公充山南東

道節度使加食邑實封改賜功臣制

除王德用特授依前檢校太師同中書門下平章事兼羣牧制置使充樞密使河陽三城節度使加食邑實封仍改賜功臣制

除王德用特授依前開府儀同三司檢校太師同中書門下平章事充樞密使河陽三城節度使進封魯國公加食邑制

除龐籍特授檢校太傅昭德軍節度使永興軍一路兵馬都部署安撫使兼知永興軍加食邑實封制

除龐籍依前尚書戶部侍郎知鄆州仍改賜推誠保德翊戴功臣散官勳封食邑實封制

○卷二十四

內制

議樂詔

諸后祫享依舊詔

孟冬親詣太廟行祫享之禮御札

皇祐五年南郊御札

禁內降詔

賜百僚乞御正殿復常膳不允批答

賜宰臣富弼以下上第二表乞皇帝御正殿復常膳不允批答

賜皇兄允讓等上表乞皇帝御正殿復常膳不允批答

賜皇親批答

賜北海郡王允弼上表謝皇帝御正殿特賜俞允批答

賜宰臣文彥博以下上表賀今月四日皇帝御崇政殿疏決刑獄

五日降雨批答

賜宰臣陳執中以下爲上表賀崇政殿疏放刑獄即時降雨批答

賜文武百僚陳執中以下上表賀爲今月一日太陽當蝕虧分不

及算數并陰晦微見詔

賜宰臣富弼以下上第三表乞加上尊號不允批答

賜宰臣文彥博以下賀老人星出見批答

賜宰臣富弼以下賀壽星出見批答

賜樞密使宋庠等賀壽星出見批答

賜感德軍三軍將吏僧道百姓等詔

賜山南東道三軍將吏僧道百姓等詔

賜河陽三城三軍將吏僧道百姓等詔

賜建雄軍三軍將吏僧道百姓等詔

賜彰武軍三軍將吏僧道百姓等詔

賜淮康軍三軍將吏僧道百姓等詔

賜寧國軍節度使北海王允弼募勒御書飛白上進詔

御書賜龍圖閣直學士權知開封府蔡襄摹寫賜御書刻石事敕

賜右神武大將軍睦州團練使宗諤進太平盤維錄敕書

賜宗室磁州防禦使承亮進裕享受釐頌敕書

賜翰林侍讀學士知徐州呂公綽進明禋詩敕書

賜知濟州李及之進唐雅敕書

賜交趾李日尊進異獸救書

賜宗室叔哀進異獸歌救書

○卷二十五

內制

賜新除參知政事曾公亮詔

賜參知政事曾公亮乞退不允批答

賜參知政事曾公亮乞退第二表不允批答

賜參知政事曾公亮乞退第三表不允批答

賜參知政事曾公亮乞退第四表不允批答

賜參知政事曾公亮生日禮物口宣

賜鎮安軍節度使行尚書右僕射檢校太師兼侍中判許州賈昌朝生日禮物詔三首

賜山南東道節度使同中書門下平章事賈昌朝敕書

賜山南東道節度使檢校太師同中書門下平章事賈昌朝口宣

賜賈昌朝赴闕茶藥口宣

賜觀文殿大學士判亳州陳執中乞致仕不允批答

賜觀文殿大學士判亳州陳執中再乞致仕不允批答

賜鎮海軍節度使判亳州陳執中待罪特放敕書

賜昭德軍節度使知并州龐籍口宣二首

賜新授觀文殿學士知鄆州龐籍口宣

賜工部尚書同中書門下平章事集賢殿大學士韓琦生日禮物

詔三首

賜武康軍節度使韓琦口宣三首

賜新除觀文殿學士知河陽富弼對衣金帶鞍轡馬口宣

賜除富弼起復禮部尚書同中書門下平章事昭文館大學士赴

闕敕書

賜宰臣富弼生日禮物口宣四首

賜忠武軍節度使知永興軍文彥博口宣

賜河陽三城節度使檢校太師同中書門下平章事文彥博生日

進馬口宣

賜保平軍節度使檢校太師同中書門下平章事判大名府文彥

博生日禮物詔

賜新授龍圖閣直學士張昇口宣

賜參知政事張昇上表乞致仕不允批答

賜參知政事張昇上第二表不允批答

賜參知政事梁適生日禮物口宣

賜定國軍節度使知太原府梁適口宣

賜彰信軍節度使判成德軍李昭亮敕書

賜彰信軍節度使新授同中書門下平章事判大名府李昭亮赴

闕茶藥口宣二首

賜新除昭德軍節度使同中書門下平章事充景靈宮使李昭亮
赴闕敕書

賜馬軍副都指揮使淮康軍節度使張茂實赴闕茶藥口宣二首

賜相州觀察使知邢州劉從廣赴闕茶藥口宣三首

賜侍衛親軍步軍副都指揮使涇州觀察使定州路駐泊副都署

王凱赴闕茶藥口宣二首

○卷二十六

丙制

賜福建路轉運使秦玠平江西賊敕書

賜提點刑獄施元長平江西賊敕書

賜知汀州藍丞平江西賊敕書

賜京東路轉運使董沔殺散河北賊敕書

賜判大理寺郭申錫及審刑詳議官等敕書三首

賜權判大理寺陳太素等敕書

賜權大理少卿王惟熙等敕書二首

賜皇兄寧國軍節度使同中書門下平章事同知太宗正事北海

郡王允弼敕書

賜平江軍節度使兼侍中知太宗正事允讓敕書

賜起復雲麾將軍濟州防禦使王仁敕書

賜新授憲州防禦使劉渙敕書

賜撫州刺史滄州鈐轄董貴敕書

賜侍衛親軍步軍都虞候王從政敕書二首

賜鳳州團練使高順等敕書

賜知建昌軍曹觀敕書

賜原州刺史知涇州安俊敕書

賜海州團練使史吉敕書

賜潭州通判李丕緒等修子城敕書
賜新除資政殿大學士吳育對衣金帶鞍轡馬口宣

賜觀文殿學士田況乞致仕不允批答
賜參知政事王堯臣生日禮物口宣

賜新授右諫議大夫皇甫泌口宣

賜兵部員外郎知制誥吳奎知壽州口宣

賜鎮潼軍節度觀察雷後知鄆州李端懿口宣

賜新授禮部郎中充天章閣待制陳暘叔口宣

賜鎮安軍節度使判陳州程林口宣

賜鎮東軍節度觀察雷後知潁州李端愿口宣

賜新授閤門使康德輿口宣

賜河陽三城節度使檢校太師同中書門下平章事王德用口宣

賜五臺山十寺僧正順緒等敕書

賜五臺山十寺僧知今等敕書二首

賜回西蕃獎州團練使霞展男都君主霞智敕書

賜西蕃獎州團練使霞展男都君主霞智敕書

賜交趾李日尊敕書

賜占城國王敕書

賜占城國王俱舍利波微收羅婆麻提揚卜敕書

賜夏國主進奉賀正馬駝口宣

賜夏國主生日禮物口宣二首

賜回夏國主口宣

贈太師中書令貽永祭文

贈太尉兼中書令濮王祭文三首

○卷二十七

內制

皇帝賀大遼太后生辰書

賜契丹人使茶藥口宣二十一首

恩州賜北使茶藥口宣二首

白溝驛撫問北使口宣

白溝驛撫問北使兼賜御筵口宣二首
白溝驛撫問遺留人使兼賜御筵口宣
雄州撫問遺留人使口宣
雄州撫問北使口宣五首
北京賜北使御筵口宣四首
班荆館賜北使赴闕御筵口宣二首
班荆館賜北使到闕酒果口宣七首
就驛賜北使內酒果口宣四首
就驛賜北使生餼口宣二首
就驛賜北使銀沙鑼唾盂等口宣四首
就驛賜北使春幡勝春盤等口宣
玉津園賜北使弓箭御筵口宣
正月一日北使入賀畢歸驛賜御筵口宣三首
正月一日北使入賀畢就驛賜花酒果口宣四首

正月二日北使就驛賜宴花酒果口宣
契丹賀乾元節人使朝辭訖就驛賜酒果口宣
賜北使朝辭訖歸驛御筵口宣六首
班京館賜御迴北使御筵口宣六首
北京賜御迴北使御筵口宣四首
雄州賜御迴北使御筵口宣
賜北使迴至瀛州御筵口宣三首
瀛州賜御迴遺留人使御筵口宣
白溝驛賜御迴北使御筵并撫問口宣
○卷二十八
帖子詞
皇帝閣春帖子六首
皇后閣春帖子五首
妃閣春帖子四首

夫人閣春帖子五首

皇帝閣端午帖子十二首

皇后閣端午帖子十首

夫人閣端午帖子十首

上梁文

醴泉觀涵清殿上梁文

集禧觀大殿上梁文

修葺睦親宅吳王院神御堂上梁文

○卷二十九

策問

御試賢良王彰夏噩策題

御試武舉策題

試南省進士策題四道

頌銘

烈文卽政頌

斛銘

論辨

四皓論

楚王城辨

序贊

靈芝序

集賢給事俞公送行詩序

臨海梵才大師真贊

○卷三十

書啓

上謝學士

上兩浙均輸徐學士

上劉學士

上陳諫議

上徐監丞

上徐舍人

上知府劉學士

上蘇州蔣諫議

上李相公之首

○卷三十一

書啓

上江州張殿丞

上蔡龍圖

上馬少保

上祠部謝學士

上小謝學士

上梅學士

上胡諫議三首

上馬尚書

上晏侍郎三首

上分司李侍郎

上安州范侍郎

上轉輸許祠部

上亳州李觀察

上高郵劉國博

迎呂相啓

答簽判張監丞謝及第啓

與孫祕校

徐紫微問候啓

樞密侍中問候啓

知郡郎中啓

運使卽中啓

知郡司封啓

上淨覺啓

○卷三十二

書啓

賀鳳翔陳學士轉司勳并階邑

賀馬尚書再任亳州

賀晏公轉刑部侍郎

賀永興安撫何侍郎

賀張太傅轉官

賀燕諫議轉給事中并加勳

賀王密學加勳爵

賀王給事中

賀宋內翰

賀朱祠部

賀和州朱給事中三首

賀徐紫微

賀王寺丞

賀趙監丞

代賀齊殿丞書

賀樞密侍郎

賀樞密左丞

賀參政侍郎

賀參政給事

賀司諫

賀陳州太尉相公

賀畱守相公二首

賀知府太尉

賀知郡學士

賀運使郎中

賀知府密學

賀知縣虞部

賀新轉官海用啓

賀新轉京官海用啓二首

○卷三十三

書啓

謝李相公四首

謝宋相公移鎮

轉官謝江寧相公

謝相公

謝馬尚書二首

謝亳州馬尚書

文目

卷

謝副樞侍郎

謝晏侍郎

謝南京晏侍郎

謝安州范侍郎

謝李密諫二首

謝梅學士二首

謝周大諫

謝胡少卿

謝睦州朱給事中

謝朱給事中

謝子莊知郡

謝福州袁待制

謝狄祠部

謝鄭都運

文目

卷

謝親家寺丞

謝知府密諫二首

轉官謝路轉運

○卷三十四

書啓

知湖州謝兩府

兩浙運使謝兩府

知制誥謝兩府

知制誥謝外任

謝知郡考功

謝知郡都官二首

謝知郡郎中

謝知郡少卿

謝知郡學士

謝知郡中舍

謝知郡祕監

謝知府學士

謝知府大夫

謝運使郎中

謝提刑郎中

謝兩制

謝成都鈐轄

謝解替

謝轉輸二首

謝諸鎮大僚海用啓

謝獲羣賊獎諭海用啓

謝都督諸牧

謝卿監

謝人賀

謝人賀冬書

致仕謝兩府

夫人謝賀封啓

○卷三十五

記

真州水閣記

常州興化寺記

潤州金壇縣清修亭記

高齋記

題湖州西余山寧化寺弄雲亭記

常州晉陵縣開渠港記

流杯亭記

常州太平興國寺彌陀閣記

皇姪孫右監門率府率世護墓記

○卷三十六

志銘

宋故左龍武衛大將軍李公墓志銘

宋故宣徽北院使奉國軍節度使明州管內觀察處置等使金紫

光祿大夫檢校太保使持節明州諸軍事明州刺史兼御史大

夫判并州河東路經略安撫使兼并代澤潞麟府嵐石兵馬都

部署上柱國榮陽郡開國公食邑二千五百戶食實封三百戶

贈太尉文肅鄭公墓志銘

○卷三十七

志銘

宋故奉直郎守侍御史王公墓志銘

故尚書都官員外郎丁公墓志銘

故朝散大夫太常少卿致仕李公墓志銘



○卷三十八

志銘

宋故朝散大夫尚書工部郎中充天章閣待制兼集賢殿修撰知
越州兼管內隄堰橋道勸農使提點銀場公事充兩浙東路屯
駐駐泊兵馬鈐轄温台明越衢婺處州等諸州軍并都同巡檢
兵甲賊盜公事護國軍清河縣開國男食邑三百戶賜紫金魚
袋贈工部侍郎張公墓志銘

宋翰林侍讀學士朝請大夫尚書右丞提舉萬壽觀公事句當三
班院上柱國隴西郡開國公食邑二千五百戶食實封六百戶
賜紫金魚袋禮部尚書諡恪李公墓志銘

右監門衛率府率世堅墓志銘

虞曹郎中妻

墓中不詳姓氏志文亦略而不載疑有脫漏故陳畱縣君鄭氏墓志銘

○卷三十九

碑表塔銘

宋故朝散大夫尚書禮部侍郎致仕上柱國樂安縣開國侯食邑
一千三百戶賜紫金魚袋贈吏部侍郎蔣公神道碑

故祕書王公墓表

故右街副僧錄普印大師賜紫昕公塔銘

○卷四十


行狀

太傅致仕鄧國公張公行狀

李太夫人行狀

後封沂國太夫人

光緒乙未武進盛氏思惠齋刊宿松高駿烈陽湖吳文郁江陰謝寶琳全校



文恭集卷一

晉陵胡宿武

賦

正陽門賦

有宋受命惟皇建國獲九金之神鼎應五精之火德將以定九廟
之攸居彌萬世而不易陋洛陽之如掌纔可以備離宮謂函谷之
扼關不足以創宸極于是卽房心之廣野據神明之華域得天帝
布政之廷命司空度土之職申畫郊圻繕營宮室建萬雉之都城
順五土之方色王畿千里俾日徑之傍開君門九重法天關之上
闢粵藝祖之創基逮永熙之御曆戰壘尚多寅車未息方且法神
禹之卑宮循姬文之旰食重長府之仍貫惜露臺之勞役惟此應
門闕乎盛飾屬三葉之承祧配九皇而比迹受萬玉之會朝覽四
海之圖籍老上修懽日際來格風德周乎四面言語重乎九譯天
業暉昌國財厚積適廣先猷乃籲眾力謂皇居之偏下虧萬乘之
尊嚴謂寶儉之過中非四方之表則矧帝闈之峩峩圖天象之奕



奕一開一闔于以順乎陰陽不壯不麗何以威乎戎狄于是申嚴
 戒告條具章程運松石于海岱下杞梓于荆衡環材畢至美礎森
 呈詔將作之利器按堪輿之祕經天老推策石師督繩晝則瞻乎
 陽景夕則攷之極星雲漢昭回正瑤光于神縣山河表裏裁寶勢
 于坤靈築金椎兮堅重置水築兮端平子來輸力人謀獻能千章
 兮俱度萬斧兮竝興賦東山之說使造靈臺之樂成挺庶物而首
 出恍緣雲而上征覆壓九軌森倚萬楹冠廣內以凝宇標正陽而
 定名寶篆鸞飛耀煌煌之金刻榮簷虬聳壯翼翼之瑤京萃今天
 黨屹若神行麗譙橫互磴道階升雲梁布藻煙瓦搖青方疏洞開
 璇題彪列藹若鮮雲蔽嬋娟之素月鏤檻周施彤欄鉤折宛在半
 空橫連蝻之雌霓俯畢昂之中街登象魏之雙闕觚稜上拂隱日
 月之回環輦道相過瞰煙雲之明滅綴以昆金飾之和璧塗牖澄
 鮮榮光射激離朱奪其目精計然喪其心畫形半起而還正勢將
 翔而復抑跂而望之若太陽御六龍升扶桑而耀色迫而察之若

威鳳將九雛下丹山而接翼東虬兮西獸交鎮兮左右南箕兮北
 斗夾照兮前後赫頰壤以周布岌飛廊而卻走刻雕辰象按宣夜
 之渾儀圖狀神靈選尚方之畫手偃佺飛步來曝于南榮曼倩凝
 睛下窺于朱牖瑰譎萬態于何不有雄貺兮赫侈磅礴兮穹崇彈
 壓兮萬寓冠映兮九宮如衣服之有冕譬鱗介之宗龍配天之業
 兮巍巍而蕩蕩此下似鬱鬱而蔥蔥俯太行兮卻倚瞰洪河兮
 注東漢圖五嶽之形儼存于字下周制九邱之地悉布于檻中是
 知帝者之有為也闡元極稽邃古述作表聖明之功擬議成變化
 之序宅中肯構法太紫之圓方大壯取模用高曾之規矩故能御
 六辯總羣綱安天下于置器尊人主以如堂鼓協氣而中出導靈
 風而遠翔納物于崇邱之富躋民于壽域之康樹闕中天闡三正
 之教法建瓴高屋制萬國之侯王若乃分至御辰清寧貺吉攷太
 史之宏議酌觀臺之故實命保章之職仰以占乎五雲詔師摯之
 官中以吹乎六律此所以察義易之時變助箕疇之陰騭又若禮

罷神壇詔回天蹕御百常之豐樓端九章之華黻肆赭案兮橫霞
植靈芝兮翳日俯輪奐之神構耀顯印之聖質樹子子之雞竿降
洋洋之龍綽法青赦于帝媯效祝飛于天乙感人之樂悅發于鈞
霄呼歲之聲喧踰于少室茲又恢一代之典禮俾百王而祖述大
哉三光之所照九賦之所均有宮室以安體有衣冠而正身穆穆
中夏眈眈紫宸功崇則業大德盛則禮尊斯干詠于周家落成百
堵建章營于漢代麗極千門况乃業包海岳道格乾坤踰蒼姬之
拓統超金卯之集勳撫和曠俗惠養齊民秋毫皆出帝力率土莫
非王臣靈臺偃師靡務先王之武闔廬蔽雨施及吾儕之人故得
中外畢力大小懷欣胥靡之工驩趨乎版築斲壤之匠投銜其風
斤役不愆素事俱中倫彼土階載乎往牒茅殿標乎舊文或出墨
家之瑣瑣或主玉帶之云云或主原本作或生就文義當是主
所上黃帝明繩以大中之法度彼又齷齪而奚足論若乃攷乎默
堂圖今改正繩以大中之法度彼又齷齪而奚足論若乃攷乎默
定之理剽諸故老之聞正者所以建萬事之紀陽者所以爲眾陰

之君鎮天安之路寢壯帝宅之威神豈人謀之經始亦天意之冥
存蓋以恢久大之德業崇燕謀于子孫利正元亨四德扶于君位
謳歌獄訟萬年繫于天闈下臣委質盛期棲蹤禁陌睨閭闔之華
峻干青冥而烜赫惕位貌之喧卑悵威顏之疏隔禁門引籍非如
司馬之朝臣行在獻文復愧甘泉之賦客乃作系曰煌煌特闡明
明哲后樹華構兮無疆建豐規兮可久拂倚杵之寥廓鎮方輿之
博厚拓基鞏固將金狄以同堅卜世脩長配神樞而不朽者也
建用皇極賦

在昔箕子贊于武王演皇極建用之道爲彝倫攸敘之綱經以大
猷統九疇而克正執乎至德裕萬化而有常故能立觀天之至教
爲經國之彝章原夫立民必本于大中治眾必由于至寡既抱一
以行矣實用九之大者體元立制將舉正以適中極深研幾乃立
常而化下豈不以皇者保大之至極者處中之規建于民則國之
寶也藏諸用則神而化之肇修乎八政之紀上律乎五行之宜酌

剛柔動靜之方裁成大本樹正直平康之道表正丕基義用遵王
仁符守位慎過差之咎取中庸之治立乎大法爲百世不易之規
綜爾羣倫協一統無偏之義功歸乃聖道格惟皇協九功而時敘
體五始而化光保合太和克御旁行之道綜制萬變統歸中立之
方去彼異端謹乎常憲六極所以垂戒五福由之致勸旣殊塗以
同歸由執一以應萬亦同夫三辰上運歸尊乎璇極之居四氣旁
流取法于斗杓之建無反無側有猷有爲處人上而欽若正天下
以宜其允執厥中仰稽古重華之訓莫匪爾極見思文后稷之詩
大矣上聖有爲羣生作則體風行而斯化妙日用而不測故能昭
睿哲之元功建中和之至極

黃離元吉賦

黃居中而秉色離含章而守柔蹈至和而不競統元吉以來求粲
兮有章履文明之盛位冲然處順被謙益之鴻休明兩之卦聿陳
黃離之象斯得能居六二之位遂配中央之色有文在內符聖人

赫赫之明守正于中契君子温温之德粲英華兮發外迪清明兮
在躬安六爻而順守執一德以內融煥乃文章發耀于重明之際
惡夫朱紫含華于正色之中豈不以五采平分黃者色之懿八卦
竝列離乃文之粹觀一陰之成象統二美而居位法之繼照天光
臻下濟之功執以嚮明文德有化成之利益由體無剛壯道有休
明乘初陽而不憂于患履大中而克立其誠故能主斯文于易象
配其色于土行昭明之德內融虛而不耀和順之猷中積動乃咸
亨然則柔而不害者物之所應剛而自用者眾之所病旣章明之
在御又冲和而守正故得百祥由是而告休萬福以之而協慶履
乎中道守一色以惟醇秉乃至柔配休光而爲盛精義惟蹟聖文
有爲雖垂言于麗正俾觀象而緝熙黃裳之所謂在中誠非遠爾
白賁之但能无咎奚足方之異哉美質無華至虛攸保成茲顯懿
之德由乃黃中之道宜乎重華光表之君爲法式而是寶

蒙泉賦

稽易中之奧旨見山下之出泉養蒙之體斯在善利之功未宜靜
之徐清藏用于濫觴之際動而愈出含滋于濟物之前立言蓋自
先聖育德爰資上賢原夫蒙之爲象兮晦而未章泉之爲性兮導
之斯出將處順以待用貴守蒙而不溢况夫人事在養功未發之
時驗以物情當習坎初來之日發彼變盈之地依乎藏疾之山既
靈長之斯肇豈利用以爲艱守爾齋淪備潛德于一源之內待夫
疏導致成功于萬派之間柔以居之漸而著也涓兮之狀初出冽
彼之容肇瀉清而不撓善淵之性居中寂爾含虛譬沸之容在下
莫潤乎水受之以蒙契木升于漸允法井養之無窮含德以居蘊
斯干之厚利俟時而動蓄上善之元功則知蒙實俟時泉惟立象
舍之則獨安于靜用之則利有攸往居乎善地固不雜于下流洩
爾靈源信無踰于朽壤豈不以蒙之道貴守其正物之用亦存乎
時善下之勳未舉守柔之道攸宜將萬物而浸彼豈一勺而取斯
澄乎秩秩之原至誠自守譬彼存存之性果行無虧異夫湛爾中

虛淵兮下據思混混以致用竭涓涓而至著儻加乎疏導之功庶
滄溟之可助

顏子不貳過賦

偉顏子之賢哉亞聖人之上才既知過以無貳益閑邪之不回秉
先覺以觀身幾微必顯敦至誠而適道悔吝何來原夫處陋巷以
屢空冠孔門而博雅能盡去于貳過將動由于純嘏事有未善但
見乎必先知之改而後行孰云乎不早辨也然則過不可顯貴乎
內遷貳不可長防乎外宜可離則且非乎道有開則必辨其先極
深而研在方寸欲萌之際造形則悟嘗細瑕未兆之前守爾中庸
敦乎誠慤去邪惟務于得善達節更聞于好學稽仲尼之無大所
謂前知攷子路之喜聞誠爲後覺莫不慎乎幽獨戒在防虞既度
思而不亂諒憂患以終無自同乎禹稷之道豈比夫師商之徒苟
知恥以方迴是謂過矣既表微而克正其殆幾乎則知善乃貴乎
則遷過實重乎勿貳自存淵默之境不在彰聞之地復爲德本我

則體復以終誠幾者動微我則研幾而繹志故得改兮勿憚去以
無疑蓋慎乎亂之生也且殊乎人必知之苟洗心而奉若在滌覽
以宜其未嘗復行諒無憂于祇悔不可則止豈有患于小疵彼視
履考祥退思補過皆已成而是改并未昧而能破所以保中道之
誠明爲至聖之翼佐

五言古詩

讌集

鬱陶倦煩暑爽豁逢蕭辰開樽有歡伯傾坐得嘉賓雕盤薦肥羜
寶刀鱸霜鱗清談屏世務善謔到天眞須言燭可繼莫訴杯行頻
至道諒在己外物不關身

雜興

嚴霜沾百草不問菊與蘭行觀秀色萎坐使芳意殘有酒聊自把
無萱良鮮懽安得青精飯爲駐顏如丹
怨思

陰蟲思衰草羈雌嗥空林盛秋授寒服獨夜擣清砧影孤隨月瘦
肌薄怯霜侵平生託義分夢想在容音山頭憐化石陌上重辭金
安得兩黃鵠因之傳此心

怨詩初調示龐主簿及鄧治中

我生豈不辰貧賤亦偶然讀書飯脫粟差可樂餘年藝麻室南端
種桑屋東偏弱婦事紡績丁男長力田瓶儲苟不乏安用三百廛
老翁飽食罷日晏尚高眠豈知天地間陵谷有變遷獨恨生苦晚
不在羲皇前嘗聞父老言醉鄉隔烽煙安得盈觴酒時復中聖賢
碧樓

中條河峩峩映我縹碧瓦汾水望飛雲參旂眺綠野美哉山與河

河流疾于馬

讀僧長吉詩

生民類能言茲文特淵逸精韞在希微幽通資寫託狀物無遁形
舒情有至樂自非妙解機誰抽神奧籥大士棲緣巖門前卽台嶽

翠屏何峩峩千仞拂寥廓芝朮被諸峰煙霞與眾壑中安仁智居
旁研華竺學觀法識非空了心無少著人境既相於神明信超若
作詩三百篇平淡猶古樂于言雖未忘在理已能覺天質自然美
亦如和氏璞貯之古錦囊訪我杼山郭杼山空崔嵬然公久寂寞
中間三百年寂寞無人作何意正始音緒餘在清角山旁夏欲休
林英春稍落吟登蒼卞餘歸夢_{王君玉送歸有春}頂數駕言整巾瓶仍前侶猿鶴
誰言雲無心還依故山泊_{風吹孤雲之句}顧子禽鹿姿繆此縻
人爵居常眩韶音幾駭頓金絡比將親椒蘭端欲甘藜藿緬懷淨
名庵終尋香火約

池臺

層臺遲夕娟清池弄秋水蟾明桂樹間魚躍蓮葉底如何惠莊津
乃在蒲城裏

遠行

古有悲秋篇遠行第三句人情重辭家客意倦長路征馬陟前岡

栖鳥集喬樹慘淡層陰生號呼勁風怒匣琴徒自攜杯酒與誰遇
衣帶緩于前衣香非復故

遊囑

身宇斗澄霽池臺始登臨幽芳無豔質爽籟有真音閒雲乍明滅
寒樵忽浮沈青山晴好望白道細堪尋疏蟬嘒急管躍鯉應鳴琴
微風獵椒桂快哉一披襟

野廬

休舍松石間外物不可必一馬究微言五禽治生術仁智得所廬
吉祥來此室

珍禽亭

仁人坐高齋忘機宅真粹魚鳥沐餘恩樹石蒙善氣珍哉島上禽
託身良得地

靜齋

鈴閣侍衛稀幕府文書省石上試真茶松間移小鼎吏師所至清

仁者本便靜

惜花亭

層陰養花天亭榭多春色午氣入衣香東風吹酒力睽戀冶城遊
黃金良易得

寄題齋館

東南有仙人玉案經近侍爲愛飛來峰翻然下平地白雲相與栖
絳雪居嘗餌日作冷泉游時尋徑山醉徑山有五峰參差標紫翠
西山玉芝巖縹緲多雲氣巖間名勝僧除館待公至施樹得梗枅
開軒對松桂嘒鳥傍簷楹鳴泉落階砌蘇徑闊三條籃輿時一詣
汲井試茶腴援琴和松吹榮啓老來歌華胥午間睡追隨支許遊
嘯詠羲皇治武林賢主人官儀斗樞貫同是老成人俱懷方外志
流水與斷壩神交復心契數幅伴山圖三伏挂廳事長謠紫芝曲
遠寄青霞意他年扛赤霄定挹浮邱袂

題飲光亭

林風引石漚席上清且寒主人白羽扇觴客水精盤絃歌汎宮羽
酒面生波瀾

送客

秋意不自適况復登河梁眷言送歸客徙倚見斜陽雜珮解席上
斑駁嘶路傍風雲感素節絃管思清商菊殘餘老蘂蕙晚非新香
何以致叩叩臨行持一觴

邊思

勁氣初折膠奔書聞插羽寒金刁斗鳴夕火兜鈴舉霜威畫角雄
月思清笳苦驃騎出塵兵輕車前礮虜一鼓繫名王三捷獻英主
天山挂雕弓玉塞休强弩龍額近封侯華堂盛歌舞

彭山贈貫之


彭山隔重湖落日見孤塔揚舫入空曠煙樹散鵝鴨山中老臞仙
萬頃纖芥納乘風落珠唾暝色遠相答平生爾汝分磁鐵契已狎
萬緣一笑空箇處無剩法方舟過谷隱風雨寒霎霎黎明帶星歸

尚及齋鼓蹋臨歧戒後會梅熟新秧插期我散縑楮莫忘鷗盟歌
七言古詩


謝御書飛白扇子歌

聖皇多才復多藝包犧徒云造書契坦然制作侔日星煥有文章
賁天地太宗飛白入于神玉堂四字標奇勢寶跗一學造其精聖
祖神孫知善繼萬幾餘力表全能三紀體仁成至治金壺貯墨奉
嚴禮往年大揭明堂門素龍鱗角儼欲舉白鳳翅翼行將翻八會
遼邈不可見六書細碎何足論仁慈原廟多珍榜河漢黼黻輝朝
昏天公常勅六丁護在在處處祥煙屯邇英叨籍待清切浴蘭每
歲逢佳節鮫人海底織冰綃宮工天上裁紈雪彌綸寶筆已珍華
汎灑神毫益精絕紛如薄霧騎靈芝淡若輕雲拂初日免令常侍
登御牀就降王人頒睿札玉璽封題光姓名孤臣拜手懽且榮暘
炎扇暘昭慈眷夙夜安民彰聖情九門纔傳妙墨出三殿已覺薰
風生標章有愧參鴻碩視草無能裨聖明短歌莫盡形容美微志

聊依頌歎聲



文恭集卷一



文恭集卷二

五言律詩

早春

煥沐陽和盛蒼筤老色濃大明消積雪青靄徧諸峰遠浪浮鱗鯉
驚雷起蟄龍去年南去雁前北又相逢

津橋晚望

徙倚津橋上蒼涼樹幄中江雲數峰黑山日半規紅菖葉深依水
蘭苕迴得風雩壇春服就歸思羨沂童

井桐

一水清無底雙桐碧有情銀牀翻畫影玉虎墮秋聲露葉游絲斷
風枝宿鳥驚隔簾人不寐又送月西傾

春晚郊野

岸幘坐前楹天圍極望青月華開嶺霧風影碎池星重露驚棲鶴
幽叢帶暗螢塵機心久息寧待據梧暝

舟次江口

香吹生蘭渚飛霜下荻州月波清浸夜天幕冷垂秋遠嶼迎潮沒

寒煙護水浮權歌來澤畔知是采菱舟

賦江皋

目睹蘭皋上春波汎早暉畫船人競渡繡羽雉交飛島樹殘潮落

汀花宿霧稀短亭迷酒市官柳絲依依

西郊二首

高樓十二曲倚徧到斜暉天幕清無騎溪雲凍不飛斷岡殘燒盡

遠樹宿禽歸久憶蓮華社鐘聲隔翠微

遠籟生寒野平蕪弄夕陽天寒空鳥道水落見魚梁島樹風仍蕩

汀葭日映黃津樓慵極目杳杳白雲鄉

慶雲寺檜

寶坊金布地嘉木此含榮吳帝畱青蓋湘神駐翠旌月移香砌冷
風入夜琴清若比東陽樹婆娑意未平

送臧寺丞赴建昌

新擢京司秩初旌幕府賢少年裁美錦晝日撫鳴絃山好當衙際
雲閒至榻前庭中無一事時問岳僧禪

送君爲從事東歸

秋半飭歸艗輕橈入水鄉吳歌聞子夜陶菊見重陽月浦鯢收浪
霜空鳥拂檣南冠歸未得潘鬢莫蒼浪

送孫從事

三十一仙科同時升大羅軒翔幾人去淪謫獨君何淮桂牽吟數
湘蘭寄恨多且欣彈頰弁榮路未蹉跎

送王從事赴漳州

再奉天宮集初登郡將筵檄材磨盾妙賓履躡珠賢舊洞毛生竹
新池水映蓮幕中多暇日曳彩戲親前

禁直晨興呈承旨侍郎

內殿已攢點禁中漏盡攬衣朝未央月低銜禁樹雲薄護朝霜欲

放魚文鑰先含雞舌香大昕鷓與鷺奏事向明光
館中候馬

紫陌歸寧後端門午鼓餘銅池銜落景鐵櫥掩殘書水遠溝聲細
花閒壁影疏去鷓呼已遠自笑守應廬應廬二字未詳所本宿直應廬當是指

祕閣直舍而言

近郊

信馬斗城外芟郊秋物多丹楓驚歲晏華黍喜時和野老醉相話
牧童閒白歌牛羊稍覺晚一一下層坡

沙鳥

一啄樊籠外蕭然煙水鄉折蘆翻夕夢急雨亂秋行南澗漁波淺
西風菰米香世無摩詰手誰與入清防

歲除

守歲薰爐永迎年煦律回仙人收臘去木帝送春來桂伴陰蟾隱
梅衝豔雪開平明喧壽讌柏葉奉懽杯

鸚鵡杯

介族生螭蚌杯形肖隴禽曾經良匠手見愛主人心置在金樽側
來從珠水潯陸機薦戴若思日明珠大貝生于江鬱之潯願爲仁者壽再拜莫辭深

上苑

漢籞春來早光風近太清花深迷玉漏霧遠失金莖夾道青松密
周阿碧樹生回瞻蔥鬱氣遙覆九重城

山中

乘秋尋遠壑偶到幽人家濁醪釀秫米香飯炊胡麻微徑捫蘿薦
高峰弄雲霞餐和殆忘返落景半規斜

東溪早步

宿雨澄紛幕高霞冠遠岑青蓮護水色翠竹結村陰雪浪魚跳藻
風簫鳥嘯林峭帆天末起撩動五湖心

水館

略約橫雲島闌干瞰玉淵雨汀翹睡鷺風樹咽嘶蟬綠髮莓苔地

紅衣茵蔯天夜涼三弄笛月在釣魚船

送徐晉卿東歸

夜來龍具冷有客厭長安去國朝衣緇還家楚葉丹雪情欺酒薄
月思拂琴寒只待東風起林鶯振美翰

送旌德田宰

錦邑罷鳴琴歸塗指上林柳鞭饒醉折山館勝遊吟清譽時苗犢
離棕望帝禽明庭趨覲日優績簡宸襟

招公儀小飲

官舍隱非隱仕途才不才棟間秋燕去籬靜晚花開卓甕何妨臥
莊軒或自來求羊疏我甚三徑有青苔

朱烏航

浮航二十四一一跨淮中此地名朱烏當年蹋彩虹香塵迷舊路
寒水蕩遙空日暮驚飛蓋翩翩下渚鴻

余山人居

一室閉春林蕭然物外心碁聲敲月重展齒印苔深竹閣茶煙細
山園鍛樹陰會當逃世網來此締朋簪

和入山居

翠柏蔭山莊巖扃四序涼歌攀牛角遠嘯引鳳音長夕膳烹葵熟
春杯切桂香列侯生計在千戶橘含霜

山居

松韻笙箏徑雲容水墨天人行春色裏鶯語落花邊脩竹三間屋
清泉二頃田了無官府事雞犬莫登仙

經朱氏郊居

東岡接釣磯有客偃郊扉繞舍喧流水當牕識翠微溪田香稔熟
霜樹晚桃稀半日揮塵袂停車不記歸

送外表王植赴官嶺外

五嶺知何許離懷豈易言傳情無去雁驚夢有唳猿溪思吳萼老
別墅在梁溪林香越槿繁渠渠持美酒計日望歸軒

銀臺退朝

官事良為少，人生初得閒。長吟聊擁鼻，薄酒且酡顏。春物行將晏，年芳尚可攀。此心同木雁，材與不材間。

桃葉渡

悵望情人曲，空留此渡名。一條衣帶水，千古石頭城。豔歇雙桃色，歌沈兩槳聲。不堪懷古意，山外夕陽明。

春寒

三楚多寒地，憑山復大川。龍鱗橫雪隰，羊角起風天。酒價高平日，花期晚去年。白門無限柳，疏瘦未成眠。

蓬萊詞

瀛閩盛佳招，排雲下赤霄。水犀梳插鬢，火玉佩垂腰。鳧影朝青舄，鸞音咽紫簫。鼇宮無夜色，豹髓未嘗燒。

寄合肥知己

離管回香轡，行舟動翠篙。夕魂惟是黯，春日旋成蒿。夢與楊花蕩，

書憑燕子高，望中人不見。湖上首重搔。

題蘭溪

招提紫翠中，曾住最高峰。幾劫親諸佛，三生聽此鐘。早香依澗樹，高臘寄庭松。性海無窮願，金書字字濃。師造大悲像，著發願文。

景福殿辨桃

偷約蓬山客，閒尋芳樹蹊。晨葩鮮欲語，春色醉成迷。豔奪朝霞段，香傳冰麝臍。飄然凡境外，初有乳鶯啼。

暑夕水亭

曲檻瞰回塘，披襟對羽觴。蘋風微有韻，水月自成涼。嫩篠疏疏影，新荷偃偃香。么絃聊按撫，志不在滄浪。

新荷

一夜抽輕蓋，平明映曲池。水涼魚未覺，煙淨鳥先窺。露重心猶卷，風多柄尚危。東林應結社，祇待素華披。

惜花

試步向闌干奇花正好看乾坤增著力風雨莫無端彩筆題詩易
金刃下翦難十分方吐半猶喜夜來寒
晴虹

靈野收雲雨長光架一條烟天初補石乾鵲早成橋日馭迷黃道
仙梯接絳霄誰能乘六氣萬里信扶搖
邑宰惠花木

曉圃分花品煙勸手自攜未貪桃結實且映李成蹊瞥見香蜂集
仍聞好鳥嘯河陽春色晚流過短牆西
行次淮上寄何慈秀才

南浦傷離數西州作惡頻吟亭蟬送柳宿枕鳥驚晨鄴會疏沈李
吳懷豫憶尊此心何用慰前有杏園春
秦淮

厭勝踰千載祖龍安在哉寒潮平復落幽鳥去還來龍鑿功全異
牛山事可哀不知終古恨誰見劫成灰

重陽日東園

沉澗催時律幽陰結夕霏樓臺侵日上山水送秋歸海燕辭巢盡
霜鴻避弋飛一杯元亮酒聊以浣塵機
宿白佛寺

下馬憩禪關春苔一徑斑歸雲尋谷口倦鳥泊林間山客收碁罷
龕僧數息閒月高人不寐隔嶺水潺潺
甘露寺

寶勢窮吳地寒流對楚邦一峰擎佛剎萬象入僧牕落日銜遙樹
晴虹畫半江海門秋色近翠朵自成雙
自詠二首

索米年來甚伶俚自知黑貂隨日敝葆髮豫秋衰舊產思重理
先賢恥逆施呂虔刀未解骨法謾多奇
閉戶無還往端居廢禮容花爲貧富燄燕是舊過從持屐對人蠟
綻衣看婦縫非同叔夜傲切莫怪疏慵

華陽逋客

小隱華陽客山中不記年酒中長有聖基下更無仙授得廣陵散
注成秋水篇吾纓今未濯慚愧舊林泉
瓦官寺

紫色嘗開國金輝此界繩火輪經壞劫雪頂見殘僧狂薜綠秋壁
深松映晚燈哀猿不可聽一一在巖藤
題劉奉禮書齋

人尚西齋學家承北第榮錦囊添句重蟾滴試毫輕底法成新構
開書泣舊楹丹山消息斷喜見鳳雛聲
和吉老學士召赴崇政殿試舉人

需宴經芳已嚴趨奉禁宸子亭參覆試止輦奉周詢詔躡累幸玉
汎覽試卷
取三燒粹金求百汰真自慚諸老意多賴洛陽人
清明日謝人送酒

寂寞揚雄宅鴟夷載酒來鑽榆試春火切桂暖晨杯芳藥何須菊

香梢尚有梅自慚非叔夜聊學玉山頽

金山寺

寶勢中流起香園此布金鳩棲金殿冷龍伏夜潭深水鳥銜生食
江神聽梵音上方聊送目天幕杳森陰

齊國大長公主輓詞

舊築王姬館新開貴主阡山林經駐蹕煙霧隔飛軒天屬尊惟孝
邦風穆以賢鸞龍擢翰藻昭德萬斯年

兵部尚書贈司空侍中晏元獻公輓詞三首

俊老三階後高華四紀中朝廷用文治廊廟得才雄雞樹前陰改
鱣庭舊跡空生存華屋處零落恨無窮

川嶽淪精氣風華喪傑才典刑留大雅文象圻中台聚窟香難破

鈞天夢不回只應之帝所鳴玉侍丹臺公早被章
聖願遇

儲極元寮寵公貂盛策班窳神依大駮結冢近陞山鼓吹春風裏

麒麟夕照間寄言川上水何事不西還

太尉文肅鄭公輓詞三首

西北謀元帥東南出雋儒上前曾借劬闕外復投壺見器同安國
 憂邊得亞夫如何遡黃壤不及播洪爐
 公業關東望夷吾天下才辭鋒橫劍戟詩筆走風雷帥節行邊去
 氏首獻地來榮華一朝盡埋玉使人哀
 將鉞徽聯重公槐賁典加哀榮班祿袞虧痛軫投瓜朝露沾崇旆
 秋風咽迴笳英靈不可問宰樹有棲鴉
 太尉侍中鄭國宋公輓詞三首
 第一平津策同時入洛名配台升上相宰漢得元精國念靈龜喪
 人嗟厚棟傾睿篇傷俊老殊禮極哀榮
 盛業元根古高文早變風墮鱣遺館在浴鳳舊池空卓馬辭丹陛
 公以使相還騎箕向碧穹琴竿三月罷鄭國槍賢公不為會主會
 節三公薨第騎箕向碧穹琴竿三月罷鄭國槍賢公不為會主會
 天上三台坼人間一鑑亡靈神韓土內結冢驪山傍槐鼎厥儀物
 貂蟬襍密章高賢同委化茲理昧蒼蒼

座主贈司徒侍中宣獻公輓詞五首

天下中庸德人倫正始風立朝周鼎重當代禹門崇注意深黃閣
 收神杳碧崧蒼生終古恨尺璧在邱中
 三陟贊樞鈞殲良昧上旻幾傳分相史終未立家臣衛武徒虛語
 巫咸不可詢空餘山甫德流詠在丞民
 門盛三鱣講書追兩馬修朝評尊月旦王法正春秋革履聲長絕
 緇衣詠獨留從今非大醉不復過西州
 鳳德衰何早蛇年識有開斂衣班上袞愍冊賁中台緣鵠空存飾
 騎箕不下來棟隆今已折僑壓可勝哀
 鹵簿指西州都人助紼謳白雞亡謝傅黃石葬畱侯霧薄旌銘慘
 風長騎吹愁神華何處所流恨滿山邱
 禮部蔣侍郎輓詞五首
 大雅時之老高陽世有才英名知四海公議許三台華皓辭歸去
 蒼黔望起來一朝嵩構毀愍冊感餘哀

香案經為吏甘泉預侍晨衣冠親雉尾章疏動龍鱗當世高人物

諸公滿搢紳忽聞捐几杖萬恨只酸辛

山岑

尺壁邱中恨人間第一流九原迷白日萬壑怨清秋風月高情盡

煙霞麗思休故時芝館在迢遞使人愁

茂苑來書跡藍橋別淚痕如何一交臂不覺九招魂東里嗟遺愛

西州哭舊恩二孤猶在邕未免懟乾坤

翰林南陽葉公輓詞三首

方丈仙山地承明帝所人辭源長萬里筆力重千鈞草詔風雷暮

賡歌律呂春如何巖雨望奄忽棄生民

獻替依明主周旋奉至公直尋無枉道方寸有孤忠恥在瓶罍罄

嗟深杼軸空蒼生猶未泰夫子已先窮

遠策思開濟孤飛易中傷中途舍騏驥少日鍛鸞凰千鎔仍雙折

泉夔遂兩亡公與故太尉鄭公為莫逆之友不數月相繼薨落同時葬于吳下子實被二公獎瞻吾生知己

矣魂斷武邱傍

題飲光亭

居易能藏氣探幽復治亭泉華聊自挹澗響與誰聽圓檜行依蓋

前峰坐對屏一瓢吾道在涼月此忘形

晨起馬上口占

馬過津橋外城臨金斗傍金斗肥城之名早霜濃著瓦落月半銜牆暗水

澄寒底初霞漏曉光疏鐘林下寺煙景正蒼涼

九月十五夜北樓望太湖

雲影消空闊霜華拂杳冥秋光不隱雁夜色欲迷螢爽氣橫蒼下

涼波接洞庭水仙當此夕應化白龍形

登潤州城

城壁起山根樓梯易黯魂雄風搖碧浸畫角弔黃昏一帶分江紀

雙峰點海門東方瞻宰樹秋色暝前村
懷宣城會勝院二首

淨刹枕城隅溪光清且虛僧間對馴鴿客至數游魚巖氣浮川上

林香生雨餘南雲雖可望長與沃洲疏
城外尋僧遠居常信馬蹏移特取香飯半日濯靈溪白馬迎人下

清猿對客嘒亭前有封殖試爲問紅梨

沃洲亭前有梨樹玉溪生有崇文館紅梨之句

仲春三衢道中
隔閏年芳早天風汎暖暉酒香迎社重村語向蠶稀林際新鶯出

楹間故燕歸湖頭春在否人去柳花飛

贈少室王山人

九籥祕仙經巖巖玉骨靈內書天上見仙樂帝前聽壺小藏仙界

槎高拂斗星華陽陪夜話多是說金庭
送錢比部守盛山

家世楹書在山河廟券存烏衣出才子朱轂滯王孫過峽朝雲舉

辭梁臘霰翻遙知巴子國愛日有餘温

聞鶯


雙翎何睨睨百囀更綿蠻獨向芳林宿多衝細雨還低迷穿柳外

調笑入花間肯比青鸚鵡雕籠受閉關

送顯忠上人歸吳郡

秋風隨處起振錫不留行卻背嵩雲去迎看淮月生禪通少林默
詩得杼山清幾夕巖窗下忘眠聽瀑聲

文恭集卷二



文恭集卷三
五言律詩

芳茂山

此地橫青嶂當年聳紫氛晉時常有紫氣現碧花巖下柰玉葉嶺邊雲寶
勢三神秀靈風百草薰將軍精爽在可解勒移文晉將軍曹橫禁此

浮石寺

溪碧照浮航仁祠紫界牆牕扉銜遠色樹石納餘涼升講林花落
拋生水鳥翔逢僧談止觀數刻盡牛香牛香二字不經見法苑珠林有云牛頭之香生于

海岸此殆節用之

送張著作任柘城

出宰分寰邑修書得祕邱青雲莫厭晚翠柏最宜秋舊學緇林散
前驩醉墨畱弦歌聊自慰不足論全牛

別墅園池

小池連曲圃幽可滌煩襟露菊凝秋豔風荷結晚陰碧蘆巢鳥重

青藻宅魚深自是輪蹄外
囂塵豈易侵

送曹生歸臨江別墅

氣入商中勁人思瀆上勞滄江
縈故國涼月伴歸舸麗賦憑烏有
清篇託畔牢畔牢二字不經見漢書揚雄傳竹林温緒業天穀

位時髦

寄善慧大師禪齋

金策巡方罷齋軒俯斗城池間魚聽法
臺靜鳥窺生社影香藻白
禪陰碧柰清昆灰多妙辨昆灰二字不經見當即平日集朝纓

小閣

小閣閉春風疏簾隔幾重柳絲收未住
酒病太無悰帶眼偏知瘦

基圖最信慵隆中一覺睡日影過高春

悼往

昨夜西樓月團圓似去年鳳屏非復舊
虎枕未成眠破恨憑湘酌湘酌原本作相酌改謝惠連雪賦有流哀寄蜀絃葛華與參宿

葛華二字不經見攷梁樂府前溪歌黃葛何蒙龍生在洛溪中花落隨流去何見逐流還此蓋節用其語此見恐無

緣

江樓

亭亭紫桂樓渺渺白蘋洲易斷傷春日難銷
假日憂雙鳥仙子貴

兩槩美人愁欲寄青泥訊雲峰隔舊遊

初赴揚子任

補吏承人乏安貧得士常半綸朝受命數舍宿春糧自蘭陵抵儀

楚地元三戶騶奴亦一囊空裁宣德頌何路奏明光

徐偃王廟

天下慢朝周君王瑤水流一朝規問鼎千里御還驕故國無歸日

叢祠幾換秋洗洗耳孫慶惟烈在仁柔邑人率多姓徐云其苗裔

清溪汎舟

家在清溪上乘間一棹歌夕涼天有月秋迴水無波鷗鳥機心斷
鮫魚香味多吾纓猶未濯終是負漁蓑

一年好景

樽俎真無奈風騷亦被魔酒龍春力健詩將夜謀多未羨封侯印
偏憐卻日戈寄言嵇叔夜休惜玉嵯峨

早雁

關樹來時紫江楓到日丹驚茲初月上避弋太虛寬野水涵秋色
霜雲結夜寒終年南北路未可笑離鸞

寄懷尊師

尊師上
似有脫文

多年疏法集長夏憶齋房桐雨生苔淨杉風坐石涼真茶烹澗溜
滿飯取天香何日揮冠冕相期作道場

華陽道士朱尊師

閨苑花邊醉知君是謫仙姓名金簡上官職玉臺前碧海三奇藥
青梯尺五天祇愁騰蹋去相望隔芝田

紫薔薇

天上星垣貴人間花品高偷棋煩象管學翦費金刀西母停雲輦

東卿駐節旄曉軒無限思香架近蒲桃

晨入都省聞子奇內翰宿太常因寄口號

相思禁林客知奉太常齋月落桐依井風休絮滿階歡娛疏勝集

申寫寄長懷遙望牆東隱明簪香未諧

又陪公素舍人晨入西閣見紫薇初開

疏雨休前檻新英豔小叢且欣當夏日不用憶春風便可攜歡伯

相從作醉翁回頭問堦蘂何處覓薦紅

題擷芳亭

有客隱東岡珍亭號擷芳仙壺分氣象木帝借風光淥水穿林遠

朱橋跨岸長寶鄰曾折桂今是狀元坊

擷芳主人乃今副
閣徐公之里開也

初秋

九夏困煩冤逢秋似得仙短牀便月下長簟怯風前露氣清羣木

雲稜澹一天西江無限水長嘯憶樓船

七言律詩

大慶殿元會

殿裏爐香散彩雲殿前旌仗從朝暎后夔六樂調時律太皞千春
入御樽神化還隨蒼震始天顏卻映少陽温新年喜氣知多少鬱
鬱蔥蔥覆九門

燕洞宮

洞裏青娥亦玉簫香童迎過百花橋身輕不待冷風馭天隔難逢
翠羽翹仙醴四升誰酩酊使鳥三足自飄飄座中若話金庭事記
取真人是子喬

張侍讀箋注太玄經義

陳書覆瓿久無慘天幸名儒釋舊文準易一時遭客難賞心千載
獲神交高情要在崇孤學餘力猶能解眾嘲誰道鳳凰難得隨續
絃今日見靈膠

賞花釣魚應制

球檻靈芳濯露開瑤津朱鮪復新來三竿御水承垂釣萬葉晨葩

奉賜杯春暖僊莫初霽靡日斜芝蓋尚徘徊柏梁聖作星躔麗累
氣蕪音愧仰陪

詠蟬

柳條高處不須吟正是螳螂負異心已斷青陽悲玉露更流哀響
入嘉琴長洲苑下風聲急宣曲宮中暮色深莫道齊姬無伴侶海
邊精衛亦冤禽

登雄州視遠亭

誰將粉水掃天衢萬里全開晦景圖百尺凍雲飛未起一箏寒雁
遠相呼由來封略非三代大抵漁樵似五湖欲望繁臺何處是繁
臺不見見平蕪予家在京城東南繁臺之下繁音婆

送錢子文著作宰福陽

三政平反有惠心民歌遙望邑中黔桃翻浪影吳艫急芸掩書香
漢閣深行訪名山須著屐坐清蠶俗且橫琴西州有客偏傷別無
密瑤華寄好音

題承詔亭

開徑臨江有舊居野亭于此狎禽魚
人才素擅高陽里五返曾迂
使者車圯上早傳黃石略隆中
難戀武侯廬主人今醉葡萄酒籬
下秋風菊自疏

送清漳護戎王中立

賦別恩恩涕泣然七閩封埃接巒
煙山長水遠知何處花落鶯呢
又幾年顧我青衫隨吏牒惜兄華
髮事戎旃風波世路相逢少腸
斷東歸下瀨船

送呂昭鄰同年宰巫陽

清蘂君宜妙一臺當年仙桂竝枝
開樓逢春雪嘗為曲廟近朝雲
轉費才遠字莫教雙鯉斷歸期
偏望二島來巴猿蜀魄多離恨猶
喜圭田助酒材

送李寺丞宰攸溪

短李祠堂世閱餘少年從學馬融
居樓中質問無疑義帳後傳藏

有默書茂苑卻尋花氣歇家山重
上桂陰疏弦歌莫歎浮湘遠纔
是青雲舉足初

寄題黃氏閒宴閣

翬飛迢遞拂秋槎宴坐塵清道有
芽五葉對僧談妙果一槍畱客
試眞茶簷前暮景沈歸鳥窗外
晨暉汎早霞衍篋文多休寄傲月
間芳桂正宵窵

和寇卿館中晚入

銅狄嚴扉大帝家雨回天氣湛春
華牆頭落景半規日樓外餘暉
幾疊霞風近天淵聞鷗鴨煙開宮
樹見棲鴉端門漏密長廊靜時
見香英墜砌花

朝罷

朝罷通中一覺眠右銀臺路入西
垣日長易覺芝泥熟風軟頻驚
藥樹翻朱檻帶陰難可倚紫薇當
晝不勝繁何須更寄陶窗傲自有
餘涼在此軒

送梅監丞宰山陰

春半朱航拂水輕，季珪佳邑得時英。民淳定見蹊田默，歲稔仍占射的明。太史舊遊書穴邃，右軍殘跡墨池平。何妨公外尋僧社，琴鶴相隨雅有情。

送集賢李學士赴荆臺

蓬島迴風此再來，當年俱重輯。寧才芝隨禁掖新，泥熟桃應仙源舊。路開金契旋聞臨，外闔雲屏仍是接中台。時丞相大學士兼領書殿之職專城

四十前賢事期歲，行歸妙一臺。子莊見求近詩以一闕爲介

半綸祗役謝英遊，牒訴裝懷思若抽。銅鉢任敲何所得，鐵盃雖缺豈銷憂。楚囚操樂寧忘本，蜀客摘辭祗傍愁。強扶巴音還首鼠，知君詩戶敵千侯。

送張從事

月臺揮檄愈頭風，屈佐初賓位未充。金玉擅珍須席上，蛟龍爲物

起池中。叢雲絢彩人歌舜，絲竹摛辭客薦雄。一乘追鋒看賜對，虎賁千戟照瓊宮。

山居

老矣求田魚稻鄉，兒孫常要在余旁。提籃買菜須靈照，舉案齊眉只孟光。醫國有方三折臂，扣關無路九回腸。紫芝白髮秋風裏，悵望南山綺與黃。

寄子高秦州從事

雪裏詩筒至自秦，仲宣佳句樂從軍。谷鶯漸喜遷高處，塞雁猶嗟失故羣。北關舊遊孤似月，西州迴望遠如雲。一枝春色無由寄，手弄梅花卻自薰。

和曼卿館中夜直

右銀臺路逼僊盤，有客通中此宿官。鈞奏暗驚天上近，霞杯難制月邊寒。風來禁樹龍傳點，露下高梧鳳戢翰。更聽建章魚鑰動，水蒼朝珮響珊珊。

遠思

一片平蕪百尺樓闌干橫絕點清秋三年字與燕鴻斷千里心隨
桂水流空對霜葭驚遠別忍題雲葉寄牢愁驪駒不見西曠迫目
眩天涯片席收

和邃卿寒直

子門肅唱徹周盧甲夜輕寒臘破初樹底勸飛還類鵲齋中酣夢
欲成魚三鍾賦粟才無取五餅干時策已疏天祿舊來名寂寞更
堪窗雪照殘書

九日山陽驛作

飄泊年來憩下亭雀羅秋靜掩苔扃拂窗紅葉欺閒臥倚檻黃花
笑獨醒盛憶林泉羞白石欲持香火訪丹經華陽小隱平生願可
分區區事挈瓶

趙宗道歸輦下

公牒相逢楚水湄竹林文酒此攀嵇半氈未暖還傷別一臂初交

未解攜江浦嘔啞風送檣河橋勃窣柳垂隄明年四月秦關到洗
眼揚州看馬蹏

送天章王待制再領陝州

愛樹重攀隔十春召南遺俗至今淳車邊野鹿依明府鄭洪行春
有白鹿夾
轍池上沙鷗識主人園池之勝
甲于雍都太華遠峰捫日馭洪河高派落天
津壺漿竹馬參歌舞頓覺城中喜氣新

咏鶴

獨立青田刷羽儀朱研丹頂雪裁衣賦來自合凌清漢仙去何曾
識令威松蓋露寒應有恨蓬山雲斷未成歸舊巢寄在三珠樹待
興還丹作使飛

舊將

會上燕然勒漢兵白頭麟閣見儀形三朝自是山西將百戰曾焚
老上廷己奉列侯歸北第更籌深策破先零先零見漢書趙充
國傳西羌先零注鄭
氏日零音麟無作陵音彎弓擊劔平生事不許兒孫授一經
者此入九青韻蓋失攷

七夕

孔雀南來燕子西，銀河消息已驚遲。
石城仙使飛三足，玉殿華燈燄九枝。
暫揜星機同一笑，卻披雲幄重相離。
杞天長在年梭疾，若比人間是遠期。

宛陵秋晚

誰道江南好物華，江南今日抵天涯。
秋風只解吹桐葉，暮雨還來打菊花。
寒水荅砧偏響亮，迴樓飄角更嘔啞。
舉頭試作長安望，惆悵青山遶郭斜。

海上

天幕紛紜海水浮，日車東上惡埃收。
金鉤欲下靈鼇怖，鐵網將沈寶樹愁。
自昔神仙嘗有藥，從來銀闕不通舟。
燕酣餐盡蟠桃熟，會約琴高控鯉遊。

夏日舟行

箭激雲檣五兩輕，波光飛入射桃笙。
山眉遠映羣鷗過，霞綺新和

落照明甘醴，更無消暑意。文竿徒有羨魚情，飄颻若得乘羊角，直待銀潢上玉清。

送呂解元江陰禮席

玉人仍是紫芝眉，五世嘉占得鳳飛。
果滿車中潘令去，馬盤樓下庾郎歸。
東林寄傲便便腹，北路騰裝粲粲衣。
九燭夜堂開喜宴，畫鸞交扇接香輝。

送祝熙載赴金華主簿

數路收才漢得人物塗，聊試半通綸宸廷。
唱第瑤光近仙簡，刊名玉字新芳桂。
行吟關外月香葩，回夢苑中春平時。
官下文移少日涉，閒園戲綵頻汎舟。

汎舟

瑟瑟涼波冷接空，恍疑雲物畫屏中。
一篙海客乘槎水，兩槩仙人取箭風。
秋色暗欺荷蓋紫，夕陽偷射桂旗紅。
長來此地無窮樂，珍重箜篌與釣筒。

送王龍圖碩赴荆南

南部行臺駐萬兵，繡衣歸路有光榮。
龍圖往時領漕荆，鳴鏐虎豹北別墅，復在武昌。
林中避吹角，蛟龍水底驚。湘樹遠從湖外出，峽雲時向馬前生。主人落筆多風調，應唱新辭徧郢城。

送陳鐸歸吳興

六篇高論吐虹蜺，報罷扁舟擊汰歸。地上麒麟須遠到天邊，鷹隼且卑飛。秋來茗下醪醅熟，寒去江頭鱸縷肥。莫歎隋和猶未售，玉蟾濡翰待君揮。

寄題雄州宴射亭

北壓三關氣象雄，主人仍是紫髯翁。樽前樂按摩訶曲，塞外威生廣莫風。龍向城頭吟畫角，雁從天末避瑠弓。休論萬里封侯事，靜勝今爲第一功。

送吳江知縣陳著作

南望湖山畫一屏，松江江水向人清。何如嘔嘯聊爲活，況是瀟湘

謾得名雙槩，有時青翰遠。兩衙無事素琴橫，遙知惠政通和氣。乳雉馴鷗自不驚。

贈華陽道士朱尊師

卻餌英芝養道芽，赤霄曾輟絳雲車。眼看碧海成夷路，心記蟠桃結實花。東府靈方修白石，上清香飯給胡麻。兩雙條脫皆金玉，可是南山萼綠華。

仲夏有感

誤逐時英落穀中，拙艱爲吏悄無踪。鷄鷓已享鳴鐘賜，游統焉知裂地封。西北晚雲長望闕，東南春畝久拋農。忽忽禹鑿當年事，猶待神雷起蟄龍。

上元禁樂

丙子歲

此夜重城鳳腦寒，放遊車馬接通闌。漢祠歌罷天壇冷，鈞奏聲沈帝所閒。紅蠟枉殘春色裏，青樓空占月明間。仙壺定有尋芳處，公子雕鞍兩兩還。

暮冬離京師

雪中愁買出關符又著青衫事府趨燕市有金還貴馬鄧林無樹
可棲烏鴟夷痛飲傾家釀如意狂歌缺唾壺朝野多歡天子聖目
瞻東闕步踟躕

感舊

萬里青雲未致身馬蹏空蹋幾年塵曾迷玉洞花光老卻過金城
柳色新粉壁已沈題鳳字酒壚猶記姓黃人鴨中橫吹偏多感一
涕闌干白角巾

落葉

霜華昨夜拂秋林翩落紛紛不自禁清吹無時來檻底紫苔相伴
住牆陰空餘倦鵲求枝宿更曠殘蠲抱樸吟萬物歸根真趣在卻
緣江月識禪心

嘲蝶

三春流寓寄花房雌去雄飛過短牆雙翅薄勻何晏粉一身偷帶

賈充香風多苑後飛無數日煖池邊舞更狂卻爲有情人愛惜六
宮皆作繡衣裳

飛將

曾從嫖姚立戰功朔方猶畏紫髯翁雕戈夜統千廬會緹騎秋畋
五柞宮後殿拜恩金印重北堂開宴玉壺空從來敵國威名大麾
下多稱黑稍公

公子

北第當衢戟有衣巾帷鮮媚僕如犀萬錢供箸鳴鐘沸三組垂腰
佩玉低座上賦鸚窮處士樓前盤馬小征西去天尺五城南路此
去青雲別有梯

古別

長道何年祖軟休風帆不斷岳陽樓佳人挾瑟漳河曉壯士悲歌
易水秋九帳清油徒自負一作貴百壺芳醕豈消憂至今長樂坡前
水不啻秦人怨隴頭

函谷關

天開函谷壯關中萬古驚塵向此空望氣竟能知老子棄繻何不
識終童謾持白馬先生論未抵鳴雞下客功符命已歸如掌地一
丸曾誤隗王東隗王今宋詩紀事刊本作隗生及後漢書隗囂
傳長陵人王元為大將軍說囂曰請以一丸泥為
大王東封函谷關即胡宿詩句
所本刊作隗生者誤附識于此

文恭集卷三

文恭集卷四

七言律詩

塞上

漢家神箭定天山煙火相望萬里間契利請盟金七酒將軍歸臥
玉門關雲沈老上妖氛斷雪照回中探騎還五餌已行王道勝絕
無刁斗至關顏

湘夫人祠

翠華獨去蒼梧野紅袖同沈楚水濱休把蘭湯招怨魄空畱竹淚
憶明君風前有恨嗁湘瑟天外無言擬峽雲不比石城雙姊妹帝
家釐降有遺文

隱客舊居

鵠版飛書到此山海簪重拾更彈冠晚中紉佩荒蘭葉石上移文
蠹薛癡蕙帳煙空胎化老柏庭風起麝香寒至今門外潺湲水疑
是幽人賦考槃

寄題公儀西溪

山公休愛習家池自有清光豔一溪川上好風跳鯉波中晴日
浴鳧鷺孤舟小嶼間如書釣綫輕縉靜可攜更助吟毫無限思落
霞猶共夕陽低

送莊賢良權之歸舊隱

過我東還鑑水湄儻逢親友話襟期書鉗紙尾丞真負易在牀頭
叔自癡僕近破解數開將整整踐更三載且遲遲開書鋪家有指
僕為暗關者

送向館使赴陝郊

陝服由來二伯居使君新詔擁犀渠門連象魏施行馬地控崤函
佩左魚世德高華河裏舊土風淳厚召南餘政成期月須嚴召行
見追鋒走傳車

送江寧監軍李舍人歸闕

假節彌年去玉墀星郵傳詔紫芝泥帳中密印交龍虎麾下全軍

解水犀仙闕歸心春粲快石城離思晚雲低宣平貴里天姻盛競
爽行看對析珪

城東別墅寄懷天錫

幾日歸心託暮雲半甍窗下久生塵水天雨氣霏霏斷竹閣山花
點點新小苑鶯聲偏破夢大隄花豔欲迷人豈無躑躅青絲騎不
敢偷看城裏春

送魏屯田出守山陽

左臺分契領東麾入奏清廂幾刻移三采綬章秦服志兩幡朱色
漢官儀雌堂夕宴沈賓轄雌堂二字集
中屢見未詳所出攷郡
國志太守所居塗以雌黃故稱黃堂此
名雌堂疑即取雌黃
之義今俱仍原文綠野春耕駐使旗盤錯奇才知不久英輿六
尺待飛綏

和承旨尚書觀春物欣盛之什

紫陌年光天上回東風吹雪放新梅燕鴻卻背南雲去楚鳥還迎
社日來半綠萍醅浮臘腳殘紅桃豔弄香腮山公知有登高興樽

下容誰獻壽杯

書觀春歸雪意殘三竿初日照天關魚聲稍煦芳塘面鵲語頻跳

碧樹閒渠落禁中聽御水閣凭空際數前山柳黃梅白東郊近未

得攜壺一日間

江城春日

暮春江色映芳菲雨後清和滿客衣遊騎自穿官柳去落霞常伴

彩橈歸錦鱗劈浪深深躍翠羽迎風兩兩飛因下短亭猶惜別萬

枝香雪在薔薇

謝惠詩

君詩來貺我難當語帶誠齋句妙香誠齋乃楊萬里自號此首

或當時別有其人亦未可定今姑存之鮫室垂垂新下泣蟻珠顆顆爛生光魂飛錦

里花爭巧夢到池塘草又芳早晚交遊逢大手急將名姓為傳揚

送張著作任蘄水

家世南州擅席珍君之先正世踐甲科斗城傾蓋底相親誅茅三徑原同開

枕水雙扉重作鄰翰墨初通文苑職弦歌聊嗣武城人楚詞舊學
精章句未得金門薦買臣

和春卿學士登定力寺北閣兼寄絳倅富彥國監丞

玉山偷暇訪禪扉洛社諸英昔所依三鳳同時翔切去二龍相繼

得標歸天聖中春卿昆仲三人同升文榜後數年春卿復硯池終

歲貪殘墨與絳倅監丞相次並登制舉之首文勝今為美談硯池終

送李畱後赴天平

畱印高提駕伏熊鄆城襟要此臨戎四封土俗弦歌盛九疊霜天

鼓角雄風月靜歸談笑內山川遙入撫綏中居多暇日溪堂勝不

廢投壺與釣筒

寄浙漕晉卿李工部

名臣分刺十三州君在東南第一流郡國成風皆自化朝廷安枕

更無憂江湖莫作多時計山水何妨暇日遊誰與二天相對飲看

看八月弄濤頭

送兵部陸學士赴漕閩中

宣風一面得甌閩丹舸乘流破月痕玉色暫辭當牖坐衣香初隔
止車門帝臺回望相竿遠仙嶠重過射的存君自會稽任曾頌天
禧金石刻定應寬利賦朝恩

送杜偉長學士赴漕河北

甘陵孤壘起纖埃趨詔東南武庫來天子此時知國器生民從古
寄賢才神鋒立斷無畱刃籌筆先機有疾雷行見司徒封露布鄴
城歌舞夾行臺

送陸兵部赴漕湖南

甘泉司計署名高出拜行臺帝綽使節遠籠三壤賦官儀清坐
七兵曹時平漢谷宣威力歲稔湘帆繕貢勞秋晚洞庭山水秀定
知懷古費宮毫

送御史蔣公赴漕江東

簪筆天階柱下官孤風凜凜振臺端坐曹常佐甘泉計奏事曾紆

武帳冠一日雕龍分使節幾年驄馬避朝鞍商功未是須賢地荷
橐行歸侍玉鑾

送石舍人得告展省

先賢富貴重夸鄉况復哀榮感履霜三最詔書新予告九原恩澤
遠生光老人競醉金錢少稚子爭牽玉佩長荀令池頭芳樹在栖
雞浴鳳日相望

送石舍人入西閣見紫薇花盛開

西臺重見紫薇花天上時時好物華人向藥階升禁掖舍人初上
故事壓角
路從桃水入仙家香英半落風前酒高豔遙烘日際霞卻憶後齋
濃睡覺芝泥初熟午陰斜

寒蟬

槁葉驚秋樹幄稀嘶蟬猶尚警寒枝玉琴可要傳深恨珠露何妨
賸薦饑已伴風箏流遠韻更邀霜籟散餘悲清漳病枕無悰久月
夕煩君住少時

三衢道中馬上口占

短亭疏柳映鞦韆馬上人家穀雨前幾樹槍旗茶蠶靡一溪鱗甲

水潺湲蠶期別後聞餘暝古詩鳥嬰歸來見小眠可惜西湖

湖上月夜來虛過十分圓

送張待詔知越州

長安廐吏馭花驄竹使遙分浙水東遠勢早推賢相子太傅三當

遠嫌任誠真有古人風稽山一鎮居封內四鎮之山阿閣三休聳

禁中長樂鐘聲偏怨別何時同謁建章宮會稽張待制詩惟末二

句與此異云不及臨滄陪置酒憶君子里寄書筒

送陳學士知常州

金斗城高二浙西使君初拜武都泥射堂五色開雲的齊隊千兵

衣水犀仙閣舊香芸辟蠹使軒新蔭李成蹊下車定有中和曲索

米州民日倚輓覽朱表臣卷

烏巷名生卓不羣階庭相伴玉枝薰天邊禁樹開龍鳳筆下清才
墜烏雲三級火雷何日化一堂金竹此時聞牛心割炙探來嚼爭
得英瑤去報君

覽孫祐甫卷

君家先正隱瓊材巖石清聲動漢臺地底何年埋玉樹蚌中今幸
產珠胎氈書未挂千名榜豆詠爭傳八斗才荆壁夜來煩抵鵲寶
編三復翳瞳開

南至之日輦下書事呈正卿子高二同年

歲暮繁雲結夕陰長安客舍費黃金燭窗明暗翻歸夢雪屋清寒
著旅衾寶騎傳呼三陌廣銅龍飄點九門深萬年壽酒無因上陽
藿空傾向日心

芙蓉湖汎舟

小湖香豔戰芙蓉碧葉田田擁釣蓬嵐氣欲飛山隔岸秋光不定
水搖空翩翻雪鳥爭投浦撥刺霜鱗鬪擲風正是滄浪濯纓日一

竿多謝紫溪翁

過李白墳

平昔馳名蜀道難，旅魂流落古苔斑。土中寶樹埋何在，澤畔靈魂些不還。醉後煙霞仍物外，吟餘風月尚人間。一哀弔罷頽陽暮，江北江南盡是山。

送致政秘丞

二紀青衫拂洛塵，桂香消盡故時春。徑為天上乘槎客，厭作河濱託乘人。老筆工詩殊覺麗，清談傾座幾相親。臨滄送別多瑰藻，上同勝之舊皆有詩寵行三徑歸資莫歎貧。

送致政吳賓客

挂冕高辭九列榮，年如園綺尚康寧。水蒼乍解趨朝佩，雲母初閒隔署屏。商嶺紫芝歌幾曲，武夷毛竹夢頻驚。門前已見施行馬，更待沙隄接鯉庭。寄致政蔣侍郎

八十礪谿用釣翁，丈人冰雪在顏容。乞身未及調絲鵠，濟世何當起臥龍。先覺令名侔大蔡，後彫遐福集寒松。憐才好客還依舊，終日清談綠酒醲。

和承旨給事寄酬南京致政杜相公

賢相辭榮鬢未斑，濟川舟楫一朝閒。蒼生猶望安車起，使者空持拱璧還。去秋明堂大饗朝廷以公郢曲傳來都輦下蕭規畱在廟元老優詔陪祀辭疾不至堂間壯猷全德知，難尚後世高名重太山。

涼思

昨夜南星破暑威，月波浮動杵天垂。露華冷向三危滴，秋色新從一葉知。越水舊歌迷桂楫，楚江秋思遶蘭旗。桃笙碧滑人無寐，欲借鮫盤寄所思。

涼州

一從天寶陷涼州，路絕陽關數百秋。誰念弓裘侵紫塞，空餘歌舞在紅樓。將兵古有龍韜略，仗節今無燕頷侯。五鼎元戎方肉食，腐

儒何者預軍謀
送姚祕校歸營

茗溪曾是忝朱輪
鳴鹿當年預送賓
楚國頻嗟三獻璞
漢廷裁得半通綸
勞歌未免吟梁甫
作賦還應問大鈞
下澤乘車知道在
折腰那久滯風塵

寄蕪湖吳殿丞

大花灘外憶琴堂
西北山長水更長
縮地何曾人有術
摩天不及鳥能翔
寒梅弄臉英英態
臘甕蒸醅滿滿香
悵望未休還悵望
夜來庭下月如霜

寄臨淮蔣使君

漢臺分刺輟名臣
隼旆還臨磬水濱
殿石乍辭龍尾遠
印鞞初結獸頭新
貫花佛會連香刹
種杏仙陰接寶鄰
荆府依劉心未獲
卻憐馴鹿伴行春

和吳春卿早春即事

臘過春雲尚帶陰
故山迢遞憶青岑
芸齋舊帙書籤冷
桂甕新香酒蟻深
複道風煙殊可眺
曲江花柳試偷尋
芳樽一笑真難得
永埒何曾有賸金

永埒二字原本作永埒埒字義不可解放顏延之補白馬賦有角壯永埒句此詩當本之今改正

寄龍圖李諫議

虎符兼綰鐵林兵
安輯南方十二城
昏曉星文通翼軫
陰晴雲氣接巫衡
江飄畫角蛟龍思
風獵干旛鳥隼鳴
誰伴使君紅燭宴
漆堂深夜促銀筆

送林學士赴明州

綠綈膺檢出神州
又保東吳最上游
腰下金符分半虎
手中庖刃欠全牛
金尊酌月吳歛席
錦纜牽風越鄂舟
正是金華隆舊業
羣仙相望在瀛洲

送施屯田守姑熟

臺城南畔擁油韜
四十名郎此夢刀
文陛入辭交戟密
太微回望積星高
醉羅定費齋中酌
吟管應催石上臺
莫戀江東佳麗地
歸

來開院接金鼇

寄江淮太守表臣職方

畫省高才滯兩轡秋來依舊對淮山一函星斗龍淵在萬里風雲
驥足閒賦詠且裁紅燭下卷懷聊寄綠樽間次公治行聞當牖二
節如今卽召還

送宗兄郎中守三衢

新舊鞮囊兩獸頭東南鄉郡得龍邱朱丹侯轂聊行縣紫翠家山
更滿樓高第郎官猶應宿中材裨將輒封侯浩然能養浮雲志風
月樽前且獻酬

送譚寺丞守鬱平

金契爲州復侍親卻從湖際訪仙村花垂晚席傾家釀柳拂春車
過里門關內已誇新組去浦中仍見舊珠存名園日涉庭無訟絲
管時時薦壽樽

集賢石學士出守符離

日邊新擁兩朱轡亦以斜飛試羽翰巴郡詞人才藻壯漢家循吏
教條寬明光奏事衣香在麗正修書硯滴殘歲晚政成丹詔下歸
來天上作仙官

其後未期歲還
臺尋登西掖

殘花

雨壓殘紅一夜凋曉來簾外正飄飄數枝翠葉空相對萬片香魂
不可招長樂夢回春寂寂武陵人去水迢迢忍將玉笛傳遺恨苦
被芳風透綺寮

和承旨宋尚書告中之作

鵲聲頻繞大槐枝鼇禁懽聞舊老歸嗔舌人間無翕訛奎鉤天上
有晶暉西山五色分靈藥南極三光接太微只待延英朝隻日便
應調鼎向黃扉

橘

龍陽洲上密于星紅實纍纍照日明露濯曉枝金色重霜封秋蒂
粉衣輕楚江未分萍如蜜漢殿何曾蔗析醒誰道相如能作賦詔

園先孰是虛名

送次道學士倅洛中

畱籥初均相府勞辟書先下得虔刀黃圖氣象占龍闕丹穴精神

識鳳毛集山景祐中侍宣獻公在洛一代策書承世學國朝大典出宣獻公手次道復受詔同修唐史

三川風月屬詩豪山公更有通家舊應許論文醉醪醪

送周屯田倅南徐

淞河分鎮壓東西鐵甕由來重會稽地勢頓驚江海近天文全覺

斗牛低鳴秋鼓角翻朱鷺映日樓臺拂彩霓綠髮名郎才韻秀政

成看捧紫芝泥

送子思學士倅河內

左符通掌日邊城幾蔭華棖奉刺經直舍十年苔已紫吟鞭一路

柳初青禁中夜閣拋行月郊外春車駕屏星河裏舊遊從古盛好

尋煙幌弔遺靈

送薛監丞倅絳臺

故絳山川宰樹存屏星分守出宸恩官榮此去夸鄉組家法從來
式里門別竦正憐黃菊綻征鞍猶怯黑貂温守居舊號園池美應
伴山翁把翠樽

贈梅聖俞試館職得賜進士出身

賦就甘泉客薦雄獨攀仙桂向秋風抽毫同列三英座換骨纔爭

第一功警看靈籥居木下恍聞伏犬吠雲中嫦娥應有憐才意惟

許詩人到月宮出雪齋廣錄

卜居

自致青雲有壯圖且尋詹尹卜幽居一杯誰置元王醴三尺休彈

上客魚足下已穿東郭履胸中猶鬱茂陵書漢皇夜御金鑾殿豈

便無人薦子虛

淮南王

貪鑄金錢盜寫符何曾七國戒前車長生不待爐中藥鴻寶誰收
篋裏書碧井牀空天影在小山人去桂叢疏雲中雞犬無消息秀

麥漸漸徧故墟

送劉觀察赴襄陽

甲隊霜秋瑩武蠡萬兵都府去臨戎習池峴首風流遠漢水方城
氣象雄宴榭鳴鼉飄書鼓射堂棲鵲試雕弓平時公子推能政愛
日遙知徧境中

寄題徐都官吳下園亭

吳下新居樹石中綠巖香葉一重重潺湲枕上聞流水縹緲簷間
見好峰山客對碁閒覓劫野僧畱話幾侵鐘由來止足前賢事他
日何慚邴曼容

長卿

買賦金錢出後宮長卿文采冠諸公梁園末至時名大蜀道前驅
使節雄已託焦桐傳密意更因殘札寄遺忠如何一諷神仙事卻
得飄雲起賦中

洞靈觀納涼

秋波不動簟紋融松月悄悄透綺櫳霜重井梧翻瘦碧雨回階藥
墮媽紅彩鴛靜占銀塘水乳燕涼飛玉宇風秫酒易銷殘夢斷卻
疑身在廣寒宮

天街曉望

長樂纔聞一叩鐘百官初謁未央宮金波穆穆沙隄月玉樹瑤瑤
上苑風香重椒蘭橫結霧氣寒龍虎遠浮空嗟余索米無人問行
避霜臺御史驄

寄昭潭王中立

高弦一弄武陵深六幕天空萬里心吳苑歌驪成久別楚峰回雁
好歸音十千美酒花期隔三百枯棋弈思沈莫上孤城頻送目浮
雲西北是家林

次韻徐爽見寄

五兩青絲帝渥深平時可敢歎英沈侏儒自是長三尺澣統都來
直數金寂寞死灰人喪偶婆娑生意樹交陰年來想見瓊枝色久

夢蘧蘧到竹林

雪

屏翳驅雲結夜陰素花飄墜惡氛沈色欺曹國麻衣淺寒入荆王
翠被深天上明河銀作水海中仙樹玉爲林日高獨擁鸛裘臥誰
乞長安取酒金

城南

昨夜輕陰結夕霏城南十里有香泥初聞山鳥驚新唳遙見林花
識舊蹊蕩槩遠從芳草渡墊巾還傍綠楊隄羅敷正苦桑蠶事惆
悵南來五馬蹏

早夏

井轄投多思不禁密垂珠箔晝沈沈睡驚燕語頻移枕病起蛛絲
半在琴雨徑亂花埋宿豔月軒脩竹轉涼陰一春酒費知多少探
盡囊中換賦金

宿秀峰寺

夕鐘初斷海鯨音投宿香園半翠岑冰簟浸牀消客夢水簾澄月
伴僧吟雄風拂衽清涼極珍樹交柯翠翳深一夜漢陰機事息草
堂虛論破煩襟

太湖石

海岱鉛松妄得名洞庭山腳失寒瓊漱成一朵孤雲勢費盡千年
白浪聲誰向磯邊逢織女直疑巖下見初平年來賞物多成病日
遶蒼苔幾徧行

過桐廬

兩岸山花中有溪山花紅白徧高低靈源忽若乘槎到仙洞還同
采藥迷二月辛夷猶未落五更鴉日最先唳茶煙漁火遙堪畫一
片人家在水西

憶薦福寺牡丹

十日春風隔翠岑祇應繁朵自成陰樽前可要人頽玉樹底遙知
地側金花界三千春渺渺銅槃十二夜沈沈雕盤分夢何由得空

作西州擁鼻吟

次韻和朱况雨中之什

蒼野迷雲黯不歸遠風吹雨入巖扉石林潤極琴絲緩水閣寒多

酒力微夕夢將成還滴滴春心欲斷正一作霏霏憂花惜月長如

此爭得東陽病骨肥

冲虛觀

五粒青松護翠苔石門岑寂斷纖埃水浮花片知仙路風遞鸞聲

認嘯臺桐井曉寒千乳斂茗園春嫩一旗開馳煙未勒山亭字可

是英靈許再來

淮南發運趙邢州被詔歸闕

天臺封詔紫泥馨馬首前瞻北斗城人在函關先望氣帝于京兆

最知名一區東第趨晨近數刻西廂接書榮正是兩宮裁化日百

金雙壁拜虞卿

文恭集卷四

文恭集卷五

七言律詩

雪後登秘閣

消盡層陰上盡梯雪餘官瓦弄晴暉碧簷交照虬爭聳朱闕相聯

鳳欲飛日向金溝春溜動風來珠樹曉寒微帝家池籞饒芳物白

鳥翩翩接翼歸

謝叔子楊丈惠詩

老子詩名久廢間喜君步驟少陵壇句敲金玉聲名遠韻險車斜

心膽寒傾出囊中和月露皎如盤底走珠九苦藏難沒詩家事會

看塵冠早一彈

又和前人

作者傍邊好見聞速來就汝作比鄰詩中活法無多子眼裏知音

有幾人爾許精奇花燦筆豈容塵俗海翻銀老夫幸有千機錦尚

欠江頭一浣新

侯家

洞戶春遲漏箭長短轅初返洛城傍彩雲按曲青岑醴沈水薰衣
白壁堂前檻蘭茗依玉樹後園桐葉護銀牀宴殘紅燭長庚爛還
促朝珂謁未央

秋風

瑟瑟新聲脫綠槐半寒天氣日相催西樓夜色吟偏好南國朝雲
夢未回翠影暗牽蘋菜動清香遙獵桂枝來重陽漸近松醪熟白
菊如何為放開

送馬少卿赴襄陽

冰操從來畏四知漢江南畔擁藩麾地經謝守開油幕人憶山公
倒接離風入射堂飄鼓吹雨隨行縣淨旌旗前朝叔子流遺愛拂
蘇應看峴首碑

送寶應李尉

曾飛麗藻清堯問猶屈長才尉楚城官是神仙標秀領縣因靈寶

紀嘉名西崑已挾凌雲譽外戶全消擊柝聲早晚聲名來謁帝會
看雙璧賜虞卿

竹

修篁百箇靜無埃憶共山僧競日栽天矯翠虬身欲化婆娑青鳳
尾全開風含爽籟依朱檻月鏤青陰覆翠苔曾為檀欒衝雪看玉
枝相亞曉皚皚

送周學士歸永嘉

三最初承予告恩政校有枝一雙青翰出都門關繡舊棄人多識
橋柱前題墨未昏南國歸雲聊送日河梁新月暫消魂玉山丹府
重來日好拾風謠奏帝閭

送聶學士赴闕

臺召西來二節榮清江浮舸鴨頭平才行受詔龍綸重五兩占風
鳥羽輕日送華林春雨色夢隨長樂曉鐘聲並看隻日延英對丸
墨宮毫屬長卿

送張學士赴邵武兼過吳中別墅

青藜香炷掩殘書，越絕東南駕隼旟。
紫陌花期經被禊，清淮潮信待蟾蜍。
鳥聲百囀春芳際，蠶候三眠夏葉初。
吳地吟朋如見問，爲言江令憶鯉魚。

寄張唐公學士

朱航東下忽經春，藏室離居作惡頻。
簡上蠹蟬終日在，唐公在舍前有鵲樓北宮自有咿嚶。
史未訖有樹間靈鵲至今馴唐公在舍前有鵲樓
請麾之行樹間靈鵲至今馴
客天祿誰同寂寞人，昨夜西牕有佳月。
此心迢遞思冰輪。

千葉瑞荷花

絳蘂層層吐翠羅，水妃冠重曉峩峩。
應嫌菖本開花少，卻鬪榴房著子多。
含露自知芳意在，偃風無奈落英何。
更憐玉骨藏深怨，暗結千絲在綠波。

題漣漪亭

檻底凝漪碧漫天，角巾東路主人賢。
汀花照席供春醉，沙鳥窺簾

伴畫眠，何必遇風追汗漫。
不妨乘月弄潺湲，流杯若做山陰事，兼有蛙聲當管絃。

津亭

津亭歌闕戒棠舟，五兩風輕不少留。
西北浮雲來魏闕，東南初日背秦樓。
層城渺渺人傷別，芳草萋萋客倦遊。
平樂舊歡收未得，更憑飛夢到瀛洲。

有懷松江

多年襍被玉山岑，鬢雪欺人忽滿簪。
駑馬雖然貪短豆，野麋終是憶長林。
鱸魚未得乘歸興，鷗鳥惟應信此心。
見說新橋好風景，會須乘月濯煩襟。

寄題齊氏山齋

有客稽山岸角巾，寶書盈笈日怡神。
雲銜別嶺摺筇久，月上前峰隱几頻。
牕上蘿陰猿警旦，塢中茶候鳥噉春。
一經鄒彥能傳世子舍，于今兩綬新。

送崔諫議都運河東

行臺西北接參墟仗節重乘駟馬車水是晉君沈璧後地經唐叔
賜圭餘著酉重足虔條教部吏承風畏簡書武帳歲終還奏事康
侯三接聽新除

送益州運使田學士

劔棧秋旗拂過鴻行臺西去撫蠶叢民間幼艾餐和氣徼外酋豪
偃德風巴漢靜歸籌筆內岷峨間入畫圖中時平幕府無畱事樂
職何妨頌聖功

寄題蘭皋亭

亭下春芳接楚波金堤勃率路相過牕中霽景煙姿遠簾外晨香
露氣多紅頰倚牆花竝蒨綠陰翻檻樹交柯朝陽定有浮杯樂醉
墨何妨記永和

采蓮女

碧蓋湘葩映素秋此中蘭懼好銷憂相將共挈青絲籠一笑同迴

翠羽舟日暮鳴榔隨下瀨夜深歸櫂怯中流東方自有羅敷婿不

顧江邊越鄂州

送柳先輩從事桐廬

甘櫻離會酒初醒還赴東侯拱壁迎江上桃歌傳樂錄坐中鸚鵡
占賓榮仙車過洛人偏識繡駢還叩客盡傾後夜嚴陵臺上望紫
雲西北是神京

寄杭州子文屯田兼簡眞公上人

目斷江南佳麗城欄干樓角幾長凭越人抱膝吟偏苦吳客觀濤
病未能此地旃檀多勝刹一時龍象有高僧知君暇日尋猿鳥間
上靈峰第幾層

寄題王舍人書齋

北第當衢拂斗魁竹林清暑似巖隈將壇緒業傳金版文苑新書
集玉杯數篋龍拏藏寶刻一泓蟾滴試煙煤好辭戴鷓飛千牘東
武原從禁衛來

霜野

啄兔青骹直下飛霜雲慘慘楚楓披秋林月迴聞樵斧晚市風沈
見酒旗江上敗荷無限柄雨中殘菊不盈枝物華怨盡仍傷別塢
笛聲中一涕垂

送陳諫東歸

顏詩摘錦有高文席上經年未聘珍鵠板乍停公府詔貂裘還敝
洛城塵雪園授簡誰為賦煙渚歸艖不待春何日子虛聞夜誦尚
方給札對嚴宸

送華濤東歸

江上丹楓墮夜霜式微愁思豈禁傷壯圖萬里青雲在舊徑三條
碧草長匹馬歸來江練白惡氛收盡楚天涼大明繼照光華且提
筆相期翰墨場

五言排律

郊祀慶成

齋輅虔郊報祠宮就國陽繁雲猶待族霽日忽迎長圭璧紛佳氣
粲盛馥異香人情欣眷祐天意益端莊被袞侵寒霧升壇躡早霜
左方虛小次午陞卻中黃六樂乾祇格三登海寓康千官森劔珮
萬里走梯航神筭膺符命天壺飲福祥從今瓜瓞慶鼎業熾彌昌
閣前紫薇花

高鬟美人

髮閣一何鮮迷路來春後開花近日邊居常澆御水
動欲絢非煙分潤從仙掌流薰自帝絃雅當翻藥地繁極曝衣天
夕猶盛色映芝泥熟香交蕙炷燄吟殘秋藥脫睡起午陰圓應笑
憑欄者相看已幾年

陳生遊金山兼簡世昌師

寶勢嵐光秀濃春物景鮮飛峰凌巨浸精構起中天鳥畏雲濤險
僧安石室禪貫花應作偈望月定陳篇不為青霄桂同裁白社蓮
羨君飄鵠舫獨自號神仙

狀元張監丞倅陝郊兼之閩中省親

藻衮御中楹詳延得世英賓鄉具三物題塔冠千名玉擅崑山價
篋兼仲氏聲平淵二龍躍碣石一鴻輕慈宴堯厨洽宸章禹律鳴
入辭瞻翠葆去候過朱櫻贊治嶠陵險歸寧蜀棧橫都門百壺送
宿館五漿迎帝所銜標雋親前戲絲榮勒銘知有作叱馭肯辭行
桂色宵窳秀棠陰蔽芾清期年隨詔入修路接瑤京

歲晚禁直呈承旨侍郎同院五學士

廣內施重闈承明敞直廬上清通帝所方丈擬僊居漢后前釐席

淮王重報書時宗登賈馬暮召得嚴徐諸公玉至光秦璽秦璽和氏璧為之

珠來照魏車高文參正始密旨奉權輿王澤宣從綽天香對滿裾

論思皆藥石欬唾亦瓊瑤弱水滄波在然山老墨餘睿篇朱雁刻

三朝御什宸翰白龍攄太宗飛白書寶肆還容礫珍林誤植樗匪

躬無饗饗每食有渠渠寒日分宵直繁雲向歲除九門催鑰下三

殿警籤初北斗低層掖明河拂太虛求衣欽德盛襍被省才疏多

病長思越知非晚學遠煙霄叨步武江海隔樵漁榆性誠為鈍葵

心但欲舒日祈同舍進躋俗到華胥

次韻曼卿冬直因以勉贈

八舍嚴周衛千門肅漢閨金胥催遞宿玉羽伴歸棲禁樹驚寒斂

僊雲拂夜低星河紫牆外霜月碧城西汲字紛難整鈞音悅易迷

有人歌白雪此曲妙清溪文獻初登亮君王益徇齊因知函鼎器

那復久烹雞

后土觀瓊花

楚地五千里揚州獨一株香名從此貴芳格灑然殊國豔何勞粉

天姿不掩瑜濃薰霏麝氣細藥列蜂鬚雲朶垂三素仙衣著六銖

吳中休插柰天上枉栽榆神物疑長擁靈根此未枯人間如定價

百琲睡龍珠

石曼卿學士輓詞

才出羣英表文推一代雄靈蛇操掌上雲夢納胸中醉墨千峰立

吟毫八極空居官疏皎覈處世倦磨礪綠酒常埋照清琴自寄通

昌言曾拂治密疏早談戎

亭伯時人重孟公何言執戟帶便到闔棺窮鴛鳥巢門止驩驪揭

樞終芝筋雷御帳

落王宮

後得凜凜是英風

射熊館

別館拋雙闕飛除鎮一方

周法四面張管絃繁欲沸旌旆鬱相望走馬長楸密更衣別寢涼

星飄肅慎矢雪擁羽林槍惟樂何曾極盤遊不可狂吾聞堯舜治

垂拱在巖廊

將家子

北地良家子山西舊將兒新從羽林射得赴雁門期橫死人無比

微行世不知長安偏重俠趙國素多奇照地連錢錦迷春鑿落危

喝盧燕市客顧笑楚臺姬煙樹黃山路霜雲白草時瑀弓孤月滿

騁馬一塵隨應手雙雕落回頭赤日移卻歸東第去高宴九燈枝

詔福聖宮燒香

傲道西華內觚稜北斗傍神靈安肯構恩澤賜燔香渤澥通驪窟

崑崙拱畫梁清壇浮早景碧瓦霽初霜甲帳嚴如在丹簷迴欲翔

隆姿瞻漢后餘烈畏軒皇埋劍橋山遠游冠閣道長白雲迷處所

仙掌鎮相望五岳扶封域三辰緯典章升歌畱寶鼎刻號在神房

盛德尊原廟遺仁睦鬼方聖文名善繼百世溢流光

歲除

暝色凝無際寒雞悄未晨莫枝將換朔斗柄漸歸寅水火猶分漏

龍蛇尚蟄身四時寧有暇萬物又勞春樹喜丹葩秀人憂白髮新

明朝趨寶殿誰是奪重茵

送楊中允宰常熟

丹舸傍江潯嘔啞遠艫音新科持片玉能政引孤琴美進宮坊秩

樂歸里開心名參天下雋歌著邑中黔地志連香徑家園帶武林
吳山幾屏秀楚水一篙深晚鼓停餘疊秋帆臥半陰平時接方驥
後夜望橫參陶菊何妨醉江毫且賸吟悠悠河上別千里鬱朋簪
郡齋招子美
月色初藏桂年芳漸有梅人情欣臘破天意許春回陰雪迎風解
寒嘶向日開午杯宜試著卯瓊好嘗醅寓興題紅葉乘閒步紫苔
長吟溪上曲偏憶浴中才絕墨凌崖石高文拂斗魁詩鋒無敢犯
酒戶少能陪綠髮裁方鬢丹心未肯灰琴書聊偃仰魚鳥暫徘徊
蔚豹雖藏霧蟠螭已得雷只愁騰踊去相望隔蓬萊
送晉陵王宰銓調
盤錯才無滯竝歌政有聲及瓜青紙詔謁帝紫微城節竝霜松峻
心同冰玉清十漿行色貴三府辟書榮驛樹紛紅葉江蘋老紫莖
祇應中宿路雙節急歸程
送祁陽黃宰

邑控三湘遠帆經百舍遲天文瞻翼軫江色汎漣漪丹闕傾心戀
蒼山舉目疑歡杯憑林米騷思託蘭旗竹律寬無害琴堂靜不欺
期年行奉詔虎帳對堯眉

上客

上客何爲者平生富義名飛鈴師鬼谷談笑敵神兵然諾千金重
交游萬戶輕平臺置酒召碣館側身迎土缶邀秦擊銅盤劫楚盟
縱橫三寸舌厭飫五侯鯖龍種騰長坂霜雕刮太清誰能彈劔欽

北海有長鯨

北海一作夷路

送黃推官

秀極武夷峰清才氣所融香名傳日下勝範迪時中大對承三道
清篇帶半通新吟池草綠故事幕蓮紅參畫文無害沈英位未充
談高起廢疾檄壯愈頭風圭壁嚴書殿房心敞帝宮行頌上方筆
客特薦揚雄
早秋

金商纔換暑雲葉早驚秋大火宵中散清光日下浮涼心遺翠簟
遠夢繞滄洲蕙圃殘香薄筠溪碧蔭稠小牕聊寄傲虛閣鎮端憂
帶眼渾移盡還同沈隱侯

文恭集卷五

文恭集卷六
五言排律
明堂大禮
路寢尊嚴配明廷攸舊圖房心通氣象太紫狀規模翊衛多儀縟
齋祠至信孚邊羞甘菲薄鼎俎卻鮮腴日月垂天象鸞龍奮寶跗
樂均諧睿律禮絕潤宸謨劔佩千官拱梯航四海趨謙恭虛小次
登降謹黃衛德盛三靈格恩流萬物蘇甘泉陪法從千載喜歌虞
禮畢慶成

路寢疑中宇星文直大辰總章裁往範齋駕奉明禋惟聖能嚴父
於皇重饗親永懷深肅優昭事極精純鍾律咸韶古衣冠黼黻新
九金徠貢職萬玉儼朝倫夷夏觀殊禮乾祇享至仁參祠七世廟
再降六天神萬寶成秋野千祥擁禁宸睿恩覃四海壽域躋斯民
召赴天章寶文閣觀御集賜御書飛白扇子羣玉殿錫宴
阿閣藏仙籍英輿侍睟儀珍函開二典聖藻煥重離河洛斯文在

盤盂乃訓垂寶跗親許視瑞物徧容窺白鳳隨毫舉蒼龍應墨奇
好文逢漢后觀象值庖犧溢幅榮分賜班觴曲示慈柏梁晨煦洽
仙莢晝陰移和樂韶音美承平鏡酒遲再陪瑤水宴千載慶茲時
館中錫宴
紫殿程書廣鴻都校籍成宸心睠儒學慈宴詔樞衡供帳來金闈
臚傳下玉京三山開祕宿七閣敞修楹革履趨朝暇華貂映席明
弁繁星錯落佩維玉鏘鳴爐靜飄芳蕙圖開識禁橙近有恩旨降
閣之祕壺均天所酒鼎薦帝餘羹夏屋彰仁洽衢樽樂治平丹樓晨
唱近碧樹曉寒輕寓內年書有人間月就盈非煙舒渥旨愛日助
皇情鳧藻深歡意魚蒲溢頌聲蕭斯濛濛湛露彼仰英英故事畱
東觀崇恩自上卿何言孳瓶陋亦玷舉觴榮已重高門地還歌食
野萃微生徒棗鈍弱植但葵傾就日欣逢旦瞻河喜見清更期紆
翠葆千載詫登瀛
詔祀西太一宮

至道希夷內神威造化中行綦延羽駕推策啟琳宮祕寢觚稜峻
嚴扉坐狄雄天人疑醉表日月在方瞳離坎精神集房心氣象通
中黃安戊己遙翠拱輶嵩陪享衣裳盛登羞火棗豐層壇霏顯露
甲帳肅靈風波靜流寒瓦霜清入曉銅廊虛鳴尺蠖樓迴倚晴虹
行馬依芳樹棲禽占碧叢游光宵自燭雕靄晝常濛大壯親規近
甘泉舊典崇平時闢閭闔盡日委崆峒綵仗交輪奐天香鬪鬱葱
野長迷七聖庭闊舞千童裸鬻欲惟德笙歌說亶聰蟠螭負金石
翔鶴下絲桐法度昭神祖祀醮科儀悉用雍熙之舊文章炳鉅公鼎期扶更遠
山瑞委無窮用九乾元正生三太極空本龍雖有寓芻狗本無功
迎氣陽郊始均禱寓縣同權衡樞極右號令斗杓東濬哲虔時祀
施生道化工正辭除祕祝承詔謁孤忠仁與春膏動恩隨臘霰融
天和傍星鳥地惠及昆蟲受記神司職齋居帝飭躬因知耕鑿力
誰解識淵衷
郊丘侍祀

太極生真主中原有聖人園丘尊上帝大旅合羣神行馬帷宮肅
乘龍法駕馴禮容光日月文德動星辰劔履陪祠古咸英作樂新
東方虛小次午陛徹華茵吉土繇誠享高穹以道親燭壇光景集
升燎福祥臻寒霽三冬色恩融四海春萬靈今受記長此奉堯仁
奉貢殿山亭奉詔觀橙

弄色金橙熟朝元玉軌襄寶匳登美實齋蹕駐清光高乘參雲碧
繁苞壓樹黃鮮明當早旭采摘有新霜原廟已云薦大家猶未嘗
分頒顏在咫捧拜手盈香凡果深何幸孤根遠見將五行含戊己
二水出瀟湘來植清琳館叨升白璧堂更依仙掌側日夕近芬芳
西圃櫻桃

一春紅日色刻意借鮮妍露葉深成騎風枝猛欲焚黃金爲彈重
赤水得珠圓甘實行宮薦香名麗賦傳色欺丹魄上味出紫黎前
玉果誇珍寶何曾入象筵
和蔡君謨閣前紫柏

秀植登中禁靈根記大方纖枝乘十雨勁節誓千霜雲幹仍稠直
煙華稍鬱蒼綠陰疏未合翠鬣儼相望育質從新甫標名壓豫章
三休依寶構一溉引天潢瑞露通晨浥靈風繞夜翔蠹蟬驚閣爍
嘒狄憶巖光地惠覃行葦人情樂樹楊保無禽鹿踐知兔斧斤傷
遠勢興臺末孤標出眾芳寒葭盍可倚幽草固難藏庭鶴宜畱側
臺烏莫近傍未經鸞隱葉不使麝居香松操同凌雪葵心共向陽
故情存澗壑生意屬池隍晝景斜臨石禪機俯映堂頌傳商廟桷
材入漢家梁此世隆三代何時構九房瓌姿天所產工度未應忘
後苑觀雙竹
瑞植昭天產祥枝感帝臨均承元化力同抱歲寒心異稟笙簫質
全包律呂音孤根皆出地勁節約成林蒙潤非煙近含滋御水深
風前交吐籟月底互翻陰秋實思威鳳春條宿綺禽畱觀停翠葆
託賞集華簪蒼震猶乘卦商巖近作霖天支從此茂長覆玉山岑
昭應宮小桃

豔冶如無罪何由謫絳宮不因輕阿姥卽是小仙公丹臉翻曉雨
飛書卻寄風春溪迷柳曲午影過牆東密葉輕籠翠繁陰半露紅
誰驚幽鳥散千片觸簾櫳

吳興秋晚郡齋長句

霽色初休雨寒梅稍欲霜
崦嵫驚日晏嶮嶮喜年康
菰米迎冬熟萍醅破社嘗
雪聲寄檻冷卞色入樓蒼
弱援疑垂榭臉幽叢亞菊
芳牛羊馴沃野雁鷺說滄浪
水市能爲楫田家乞有漿
溪音挈競去村語醉相將
自昔分天塹茲州介水坊
貢絲標禹土錯繡接吳疆
佳麗南朝後鮮明茂苑旁
風華在安石文物有東陽
柳客詩名馥顏公筆勢翔
山川爲吐氣日月欲爭光
異代虛墳柏逢辰濫郡章
壤歌知自化符守信非良
勇爵思長劔高謨乏智囊
葵心拱宸極藿食念嚴廊
西戍方疲陝中原久患美
邊人思李牧天子問中郎
臣僕今三世腥羶彼一荒
山西雄占隴河曲斗分潢
漢始城張掖秦初地朔方
限戎深得策遮寇大爲防
小雅亡于晉中興屬在

唐太宗神且武貞觀粹而王都雍三才直安西萬里長聲明冒葱
雪亭埃徹甘涼聖術初無敵孫謀本克臧未塗虧繼守駿命亦頽
喪上帝欣炎宋真人奮大梁鑿乾分上下操斗運中央殺氣西刑
馬妖氛北隕狼三關收朔漠兩鎮復河隍龍虎其文炳雷霆我武
揚商球傳聖弟夏鼎授儲皇託付神規遠彌綸治具詳四維嚴幅
正八柄謹低昂地廣葉葇出海深神怪彰遺雛偷嘯聚雜種學跳
梁王者輕分土仁人重納隍猶如棄鱗介不使易衣裳禍亂收凶
器昇平隱上庠躡林通好固狡穴送誠忙圭瑞修歡聘金行戢怒
芒生民去湯火塞土徧耕桑月窟頒正朔雲封刻美祥大璜貽燕
翼下武寢明昌區外蒙冠帶天中布典常三雍宣雅頌九譯走梯
航仙致昭華玉神來弱水香路車均奕奕朱芾賜煌煌南面存亡
國西平拂肯堂虎臣無備禦狼子有包藏竊欲屯蜂蟻私相署犬
羊癡言天可上愚謂日無亡傳箭招盧帳推鋒送頡行推鋒二字見漢書
吳王傳原本誤作推鋒今改正三河煩調度六郡苦瘵傷旅力雖疲曳游魂尚

頡頏寢謀思汲黯禽敵想陳湯多士皆方領孤生特面牆
官尸禮闈槩職玷文房無策均宵旰何階致富強分從高閣東敢避要
途當鈴下居無事樊中脫未遑鱸魚知味美鷗鳥信機忘獲落才
何取支離臂自攘雖貪紆紫樂豈免頓纓狂感慨乘軒鶴吁嗟拒
轍螳山河賞吳起社稷歎童汪華夏崇基本朝廷總政綱弓偏宜
舉抑琴緩在更張陽德銷羣慝天元秉至剛偃兵誠未易用武亦
何妨雪近思王國雲間憶帝鄉何時聞露布稱薦萬年觴

題沃洲亭

句水聲東轉昭山勢北回三洲環白浪一徑躡青苔
牖對遙岑敞門迎別嶼開鷗鷺如舊識羅桂是新栽
野氣霏霏入川華剡剡來老猿偷熟果馴鴿下生臺
樵斧鳴岑寂魚扉映曲隈觀濠立莊惠結社坐宗雷
格磔歸禽亂嘔啞去櫓哀看雲秋徙倚弄月夜徘徊
珠且矜圓折犀休銜辟埃沃洲應祇爾何用憶天台
荷花

露夕僊葩卷風晨寶豔開妖榛夏庭出禍水漢宮來
玉冷埋秋骨珠寒斂夜胎河分龍浪灌月借蘂淵
栽神襪能凌水僊裙不惹埃文魚纔可戲鳩鳥莫爲媒
卻死熬香釜延年刻壽杯息鳩今不語猶尚怨荆臺

菁菁在中泚

周雅傳遺詠菁菁播淑聲育材方被化在泚自敷榮
得地偏蒙潤乘時竝擢英託根分曲渚入學隸司成
行葦仁同洽山萊詠可并聖恩均雨露挺質愧微生
鈞臺

遺魄知何許孤風不可攀星辰歸碧落道德寄青山
堯舜錙銖內巢由爾汝間草萊升御榻韋布揖龍顏
圭組無由屈煙蘿卻自還幾峰雲冉冉數里水潺潺
孤竹清何隘磻溪老未閒獨畱冰雪操千古凜人寰

送黃孝先

日下東京旅才華變世雄高門真偉器正始得遺風鳴玉來江表
英聲滿洛中銀鉤專墨妙犀柄擅談叢一札公車詔千鈞矍相弓
卿才歸樸斷英穀入牢籠佛寺題名塔天家奏試宮鷓鴣有短羽
亦恐附鴛鴻

送校理薛學士

帝設英雄穀朝多俊又官玉羈收汗血珠網獲飛鸞仙籍分丹桂
香名藹秀蘭新從平樂試入奉柏梁歡辨色趨霜戟催班近露盤
閣芸開縹帙堤柳據歸窰詩就雞林買書成太乙觀行聞延體貌
坡上有金鑾

和原甫侍讀從幸後苑觀稻之什

稼殿秋香熟煙畦早景鮮玉虬乘暇日銅雀報豐年壓地黃雲重
含風寶粒堅三登繫帝力一豫俯天田幸厠標章讀仍陪從蹕宣
賜禾知禮厚視草覺恩偏學士兼侍讀乃預此召釐席思前問經帷惜外遷
後漢楊秉出為右扶風太尉黃瓊惜其去妙詩深雅意王政食為
上言勸講帷幄不宜外遷畱拜光祿大夫

先

送梅堯臣宰建德

縣枕秋江側銅章滯雋旄長安去日遠單父戴星勞秀水遙通楫
嵐峰欲妬袍文絃一琴古仙舄兩鳥高家樹喧朝鵲鄉亭寂夜燹
土風清是楚才意苦于騷訟少停徽索吟多費健毫平時洛中社
相憶醉含桃

送劉學士出守衡陽

需奏登中掖除書出上臺獸隨朝帶結隼映使旌開地接朱陵近
人從藏室來蠹蟬侵舊帙浮蟻入離杯嶺勢遙連楚星文卻視魁
雲依蒼野住雁隔楚峰回夕夢驚湘瑟春心託隴梅南方本寬教
東里復多才新勝試吏多在勝中駟馬榮星駕千金慶壽壘未應嗟遠守素
志在循陔

送蘇賢良之任豫章

三道膠西策詳延俯瑞蕤帝臨宣室坐人拱太微庭捷思誰加點

危言自據經文成洛紙貴詔下武泥馨武泥二字不經見當即

截用起草分宮筆監州駕屏疑星心存雲氣闕夢繞斧文屏南國

標江紀西山占地靈檻泉通水府廳戶接巖局涼月依滕閣孤風

泊孺亭案書休犯慮齋酒且忘形界道宮牆紫規蒲禁地青歸來

開院直驚頂架滄溟

送刁總赴句容簿

佳邑控江湄春來赴牒歸波平雙漿渡日上亂鶯飛狎野晨耕早

蹊田晝訟稀縣圖標地肺家巷接烏衣沼靜窺珍羽樓間數翠微

山香蒸餌熟溪菜摘蓴肥有客懷金社因君拂玉徽嵩雲南去遠

猶向柳依依

送劉閱東遊

舉壤乏生涯騎遊越絕賒一區揚子宅四壁長卿家困粟知誰指

囊錢苦自嗟秋林驚脫葉夕枕忽唳鴉海月隨孤棹天風曳落霞

山城饒露蔓水驛徧霜葭孝子蘭方秀先生菊未華楚轅無久滯

把酒待回車

江城立春

天上陽旛舉人間漏箭長稍驚池面綠初覺柳腰黃遲日延三舍
條風振百昌酒凝前臘味梅帶故年芳雪意思王囿雲情憶帝鄉
青門行樂處漸近好煙光
賞花釣魚應制
平圃回天仗昆池降帝輿晨葩纔隱蝶新藻復藏魚露重香英溼
風長釣綫舒乳鶯遷谷近朱鮪躍淵初禹律鏗金奏堯樽徧石渠
乘時覃惠宴不是樂觀魚
辛夷
百卉迎韶律辛夷花最先與春宜有舊造物底無偏棠棣先饒韡
山櫻未敢發倚風遙可愛犯雪不勝妍影亂梅花地香迷豆蔻天
紅曉昨夜雨紫妒曉來煙上藥能全命靈滋合永年帝家瓊圃在
此物未應捐

館中同舍城西小飲

信馬斗城西芳郊春漸熙早煙銷禁樹初溜入天池桃作新正臉

梅畱故臘枝甕香浮蟻日村翳浴蠶時聊把今朝臂同伸卽席眉

徘徊惜歸馭風晚水生漪

講畢周禮詔賜御筵

典禮爲周舊經文在魯餘西清開縹帙東面授丹書訪道前釐席

崇風厚石渠研覃忘日旰圖繪極霞舒經中禮樂之器千載逢亨

際三冬罷講初聖懷輕璧馬慈宴樂蒲魚妙技通神細清商按曲

徐爐香分漢殿鼎味出堯除諸老恩同醉孤臣藝最疏至仁何以

報忠義卽瓊琚

丁巳歲觀玉皇冊禮

寶冊尊徽號香泥潔武都齋心期太乙恭己答元符玉輅嚴清制

琅函祕聖謨竹宮陳帝拜嵩極動神呼彩霧霏三境祥輝燭九區

況當精歲出仍與上辛俱正旦上辛協吉之符永接千齡統長膺五老圖清

編流景鑠禮自百王無

溪竹

可愛壇東竹更籠清淺流行根侵島嶼脫籜滿汀洲夜迴疑篩月

風多欲戰秋紫莖同人畫背石伴垂鉤葉裏藏雌翠陰中下戲鷗

秦松無用笑千畝更封侯

五言絕句

憶東園

越鳥戀南柯春來怨別多冷風如可御爭奈簡書何

橫山

此地橫青嶂當年動紫氛將軍精爽在可解勒遺文此詩永樂大典失載今

七言絕句

漫成

日醉風酣百卉開錦鞦爭躍大隄來城東有客歌盆久不敢將春

上老臺

齋祠小飲資政吳侍郎以真如茶二絕句爲寄

碧城齋禁放朝元晚飲偷消白日間天上高真潛訶得因將瑤藻

擲雲間

寶刀玉尺裁佳句雪潤雲腴試早芽睡魄頓消清到骨一成僧味

似僧家

劉開府

京口劉郎是穆之風雲未作苦棲遲金盤一石檳榔贈可得當年

是諱饑

館娃宮

犀甲三千越騎雄平明來襲館娃宮君王不得西施去萬戶那能

住甬東

自嘲

雪梅連日礙層陰昨夜銀臺瑞霰深待詔多年無屐齒牕間猶作

洛生吟

弄雲亭

自知無業致吾君只向空山弄白雲已共此山私斷定不須轉轍

重移文


函谷關

寂寞函關鎖未開田文車馬出秦來朱門不養三千客誰謂雞鳴

得放回



70030529



文恭集卷六

詩效回
詩寶圖
函谷關
山以謝衣不
不登三千
不登三千
不登三千

